



Handwritten markings, possibly a signature or date, located in the bottom right corner of the page.

備急千金要方卷第二十二

疔腫

朝奉郎太常卿充秘閣校理判登聞檢院上護軍賜緋魚袋臣林億等校正

丁腫第壹

癰疽第貳 毒腫石癰附

發背第參

丹毒第肆 小兒丹附

隱軫第伍

癰疽第陸 惡肉附骨疽 赤脉 惡核 風熱毒 痛病 洪燭瘡

肥瘡 侵淫瘡 風疽 石疽 疔疽 指疽 尸胸

逆腫 割甲 侵肉附

丁腫第壹 論一首 方二十九首

證十五條 灸法一首

論曰夫稟形之類須存攝養將息失度百病萌生故四時代謝陰陽遞興此之二氣更相擊怒當是時也必有暴氣夫暴

金澤文庫

氣者每月之中必有卒然大風大霧大寒大熱若不時避人  
忽遇之此皆入人四體頓折皮膚流注經脉遂使湊理擁隔  
榮衛結滯陰陽之氣不得宣瀉變成癰疽疔毒惡瘡諸腫至  
於丁腫若不預識令人死不逮辰若某者訖乃欲求方其人已  
入木矣所以養生之士須早識此方凡是瘡痍無所逃矣  
凡療丁腫皆刺中心至痛又刺肆邊拾餘下令血出去血傳藥  
藥氣得入針孔中佳若不達瘡裏療不得力

又其腫好著口中頰邊舌上看之赤黑如珠子磳痛應心是  
也是秋冬寒毒久結皮中變作此疾不即療之日夜根長流  
入諸脉數道如箭入身捉人不得動搖若不慎口味房室死  
不旋踵經伍陸日不差眼中見火光心神昏口乾煩即死也  
壹曰麻子丁其狀肉上起頭大如黍米色稍黑肆邊微赤多  
癢忌食麻子及衣布并入麻田中行

二曰石丁其狀皮肉相連色烏黑如黑豆其甚硬刺之不入  
肉內陰陰微疼忌瓦礫磚石之屬

三曰雄丁其狀炮頭黑靨四畔仰瘡炮漿起有水出色黃  
大如錢孔形高忌房事

四曰雌丁其狀瘡頭稍黃向裏靨黑亦似灸瘡四畔炮漿起心  
凹色赤大如錢孔忌房事

五曰火丁其狀如湯火燒灼瘡頭黑靨四邊有炮漿又如赤  
粟米忌火炙爍

六曰爛丁其狀色稍黑有白斑瘡中潰潰有膿水流瘡形  
大小如匙面忌沸熱食爛臭物

七曰三十六丁其狀頭黑浮起形如黑豆四畔起大赤色今  
日生一明日生二至三日生三乃至十若滿三十六藥所不  
能治如未滿三十六者可治俗名黑炮忌嗔怒畜積愁恨

八曰蛇眼丁其狀瘡頭黑皮上浮生形如小豆狀似蛇眼大  
躰硬忌惡眼人看之并嫉妬人見及毒藥

九曰鹽膚丁其狀大如匙面四邊皆赤有黑粟粒起忌鹹食  
十曰水洗丁其狀大如錢形或如錢孔大瘡頭白裏黑厭黑汁  
出中硬忌飲漿水水洗渡河

十一曰刀鎌丁其狀瘡闊狹如薤葉大長一寸左側肉黑如  
燒爍忌刺及刀鎌切割鐵刀所傷可以藥治

十二曰浮漚丁其狀瘡躰由圓少許不合長而狹如薤葉大  
內黃外黑黑處刺不痛內黃處刺之則痛

十三曰牛拘丁其狀肉皸起掐不破

右十三種瘡初起必先癢後痛先寒後熱熱定則寒多四肢  
沈重頭痛心驚眼花若大重者則嘔逆嘔逆者難治其麻子  
丁一種始末惟癢所錄忌者不得犯觸犯觸者即難瘳其浮

漚丁牛拘丁兩種無所禁忌縱不療亦不能殺人其狀寒熱  
與諸丁同皆以此方療之萬不失一欲知犯觸但脊強瘡痛  
極甚不可忍者是犯之狀也

治十三種丁方

用枸杞其藥有四名春名天精夏名枸杞秋名却老  
冬名地骨春三月上建日採葉夏三月上建日採枝  
秋三月上建日採子冬三月上建日採根凡四時初逢  
建日取枝葉子根等四味並暴乾若得五月五日午時  
合和大良如不得依法採者但得一種亦得用緋繒  
一片以裹藥取匝爲限亂髮雞子大牛黃梧子大反  
鈎棘針二十七枚末赤小豆七粒末先於緋上薄布  
亂髮以牛黃末等布髮上即卷緋繒作團以髮作繩  
十字縛之熨斗中急火熬之令沸沸定後自乾即

刮取擣作末絹篩以一方寸匕取枸杞四味合擣絹  
篩取二匕和合前一匕共為三匕令相得又分為二分

早朝空腹酒服一分日三

治凡是丁腫皆用之此名齊州榮姥方

白薑石黃斫軟

牡蠣爛者

枸杞根皮二兩

鍾乳二兩

白石英兩

桔梗半兩

右六味各擣絹篩之合和令調先取伏龍肝九升末之以  
清酒一斗二升攪令渾渾然澄取清二升和藥捻作餅子

大六分厚二分其濁滓仍置盆中布餅子於籠上以一

張紙藉盆上以泥酒氣蒸之仍數攪令氣散發經半日

藥餅子乾乃內瓦罏中一重紙一重藥亦遍布勿令相著密

以泥封三七日乾以紙袋貯之乾處舉之用法以針刺瘡

中心深至瘡根并刺四畔令血出以刀刮取藥如大豆許



內瘡上若病重困日夜三四度著其輕者二度著重者  
二日根始爛出輕者半日一日爛出當看瘡浮起是根出  
之候若根出已爛者勿停藥仍著之藥甚安穩令生肌  
易其病在口咽及膏腹中者必外有腫異相也寒熱不使  
疑是此病即以飲或清水和藥如二杏人許服之日夜三  
四服自然消爛或以物剔吐根出即差若根不出亦差當  
看精神自覺見醒悟合藥以五月五日為上時七月七日次  
九月九日臘月臘日並可合若急須藥佗日亦得要不及  
良日也合藥時須清淨燒香不得觸穢孝子不具足人  
產婦六畜雞犬等見之凡有此病忌房室猪雞魚牛生韭  
蒜葱芸薑胡荽酒醋麩葵等若犯諸忌而發動者取拘  
杞根湯和藥服並如後方其三方本是一家智者評論  
以後最是真本

趙媯方

薑石五兩

牡蠣十兩

枸杞根皮兩

茯苓兩

右四味各擣篩合和先取新枸杞根合皮切六升水一斗半煎取五升去滓內狗屎罐紙二升攪令調澄取清和前藥熟擣捻作餅子陰乾病者以兩刃針當頭直刺瘡痛徹拔出針刮取藥末塞瘡孔中拔針出即內藥勿令歇氣并遍封瘡頭上即脹起針挑根出重者半日已上即出或以消爛挑根不出亦自差勿憂之其病在內者外當有腫相應並皆惡寒發熱疑有瘡者以水半盞刮取藥如桐子大五枚和服之日夜三度服即自消也若須根出服藥經一日以雞羽剔吐即隨吐根出若不出根亦自消爛在外者亦日夜三度傳藥根出後常傳勿住即生肉易差若犯諸忌而發動者取枸杞根合皮骨切三升以水五升煎

取二升去滓研藥末一錢匕和枸杞汁一盞服之日三服并單飲枸杞汁兩盞彌佳又以枸杞汁攪白狗屎取汁服之更良合訖即用不必待乾所言白狗屎是狗食骨其尿色如石灰直言狗白屎也如預造取五月五日七月七日九月九日臘月臘日造者尤良神驗或有人忽患喉中痛乍寒乍熱者即是其病當急以此藥療之無故而痛惡寒發熱者亦是此病但依前服之立差前後二方同是一法用一同亦主癰疽甚效

治了腫病忌見麻勃見之即死者方

胡麻

燭燼

針沙各等

右三味末之以醋和傅之

又方

針刺四邊及中心塗雄黃末立可愈神驗

一云塗黃土

又方

馬齒菜

二分

石灰

三分

右二味搗以雞子白和傅之

又方

鼠新坩土和小兒尿傅之

又方

鐵衣末和人乳汁傅之立可

又方

以小豆花為末傅之差

又方

以人尿尖傅之立差

又方

以四神丹一枚當頭上安經宿即根出矣

方在第十卷中

治一切丁腫方

蒼耳根莖苗子但取一色燒為灰醋泔淀和如泥塗

上乾即易之不過十度即拔根出神良余以正觀四

年忽口角上生丁腫造甘子振母為帖藥經十日不

差余以此藥塗之得愈已後常作此藥以救人無有  
不差者故特論之以傳後嗣也丁腫方殆有千首皆  
不及此方齊州榮姥方亦不勝此物造次易得也

又方 取鐵漿每飲一升立差

又方 麩和臘月猪脂封上立差

又方

蒺藜子一升燒爲灰醞醋和封上經宿便差或針破  
頭封上更佳

又方 皂莢子取人作末傳之五日内差

正觀初衢州徐使君訪得治丁腫人玉山韓光方

艾蒿一擔燒作灰於竹筒中淋取汁以一二合和石  
灰如麩漿以針刺瘡中至痛即點之點三遍其根自  
拔亦大神驗正觀中治得三十餘人差故錄之

魚臍丁瘡似新火針瘡四邊赤中央黑色可針刺之若不大痛即殺人治之方

以臘月魚頭灰和髮灰等分以雞溲尿和傳上此瘡

見之甚可而能殺人

外臺不用髮灰以雞子清和塗

又方 以寒食錫傳之良又硬者燒灰塗帖即差

治魚臍瘡其頭白似腫痛不可忍者方

先以針刺瘡上四畔作孔擣白芷取汁滴著瘡孔內

又方 傳水獺屎大良

治赤根丁方

熬白粉令黑蜜和傳之良

又方 以新盆鼠壤水和塗之熱則易之

又方 擣馬牙齒末臘月猪脂和傳之拔根出亦燒灰用

犯丁瘡方

蕪菁根 鐵生衣

右二味各等分和擣以大針刺作孔復削蕪菁根如針大以前鐵生衣塗上刺孔中又塗所擣者封上仍以方寸匕緋帛塗帖上有膿出易之須臾拔根出立差忌油膩生冷醋滑五辛陳臭粘食

又方

刺瘡頭及四畔令汁極出擣生粟黃傅上以麩圍之勿令黃出從旦至午根拔出矣

又方

以麩圍瘡如前法以針亂刺瘡銅器煮醋令沸瀉著麩圍中令容一盞冷則易之三度即拔根出

又方

取蛇蛻皮如雞子大以水四升煮三四沸去滓頓服差

又方 燒蛇蛻皮灰以雞子清和塗之差

又方 取蒼耳苗搗取汁一二升飲之淳傳上立差

丁腫灸掌後橫文後五指男左女右七壯即差已用得效丁腫灸法雖多然此一法甚驗出於意表也

癰疽第二

脈七條 論一首 方八十七首 禁法二首 灸法三首

脈數身無熱即內有癰

諸浮數脈當發熱而反洗洗惡寒若有痛處當結為癰

脈微而遲必發熱脈弱而數此為振寒當發癰腫

脈浮而數身體無熱其形嘿嘿胃中微燥不知痛處其人當發癰腫

脈滑而數滑則為實數則為熱滑即為榮數即為衛榮衛相逢即結為癰熱之所過即為癰膿身體有痛處時時苦有

蒼



問曰寸口脉微而澀法當亡血若汗出設不汗者當云何荅曰  
若身有瘡被刀器所傷亡血故也

跌陽脉滑而數法當下重少陰脉滑而數婦人陰中生瘡  
論曰夫癰疽初發至微人皆不以為急此實竒患惟宜速治  
若療稍遲乃即病成以此致禍者不一但發背外皮薄為癰  
外皮厚為疽宜急治之

凡癰疽始發或似小癰或復大痛或復小痛或發如米粒大  
白膿子此皆微候宜善察之見有小異即須大驚忙急須攻  
之及斲口味速服諸湯下去熱毒若無醫藥處即灸當頭百  
壯其大重者灸四面及中央二三百壯數灸不必多也復薄  
冷藥種種救療必速差也

凡用藥帖法皆當瘡頭處其藥開孔令洩熱氣亦當頭以  
火針針入四分即差

凡癰疽瘤石癰結筋瘰癧皆不可就針角針角者少有不  
及禍也

凡癰無問大小亦覺即取膠如手掌大煖水浸令軟納納然  
稱大小當頭上開一孔如錢孔大帖腫上令相當須臾乾急  
若未有膿者即定不長已作膿者當自出若以鋒針當孔上  
刺至膿大好至差乃洗去膠

凡腫根廣一寸已下名癰一寸已上名小癰如豆粒大者名  
胞子皆始作急服五香連翹湯下之數劑取差乃止

凡癰高而光大者不大熱其肉正平無尖而紫者不須攻之  
但以竹葉黃耆湯申其氣耳肉正平為無膿也癰卒痛以  
八味黃耆散傳之大癰七日小癰五日其自有堅彊者寧  
生破發乳若熱手不可得近者先內服王不留行散外摩發  
背膏若背生破無苦在乳宜令極熟候手按之隨手即起

者瘡熟也須針之針法要得著膿以意消息背不過一寸  
斟量不得膿即與食肉膏散著兌頭內癰口中如體氣熱  
歇即服木占斯散五日後癰欲著痂者即服排膿內塞散  
凡癰破之後便綿愒欲死內寒外熱文腫自有似癰而非者  
當以手按腫上無所連乃是風毒耳勿針之宜服升麻湯外  
摩膏破癰口當令上留二分近下一分針之務極令熱熱便  
不痛破後敗壞不差者作猪蹄湯洗之日二夏用二日冬用  
六七日用湯半劑亦可夫癰壞後有惡肉者宜猪蹄湯洗去  
穢次傳食肉膏散惡肉尽後傳生肉膏散及摩四邊令好肉  
速生當斷絕房室忌風冷勿自勞煩待筋脉平復乃可任意  
耳緣新肉易傷傷則裏潰潰則重發發即難救也慎之  
慎之白痂最忌

凡諸暴腫一一不同無問近遠皆服五香連翹湯刺去血小

豆末傅之其間數數以針刺去血若失療已潰爛者猶服伍

香湯及漏蘆湯下之隨熱多少依方用之外以升麻湯搗洗

尉之毒方在丹摩升麻膏毒方在丹若生息肉者以白簡茹散傅

之青黑肉去盡即停之好肉生傅升麻膏如肌不生傅一物

黃耆散若傅白簡茹青黑惡肉不盡者可以漆頭簡茹散

半錢和三錢白簡茹散稍稍傅之其散各取當色單搏節

之直尔成散用之此數法集驗

或身中忽有痛處如似打撲之狀名曰氣痛痛不可忍遊走

不住發作有時痛則小熱痛定則寒此皆由冬時受溫氣至

春暴寒風來折之不成溫病乃作氣痛宜先服五香連翹湯

摩丹參膏又以白酒煎楊柳皮及煖尉之有赤氣點點者

即刺出血也其五香連翹湯及小竹瀝湯可服數劑勿以劑

未差便住以謂無效即禍至矣中間將白薇散佳又有氣腫

痛其狀如癰腫無頭虛腫色不變但皮急痛不得手近亦須服此五香湯次白針寫之次與莢藜散傳之

胃中痛短氣者當入閤室中以手中指捺左眼視若見光者胃中有結癰若不見光者是癰疽內發也

經云氣宿於經絡中血氣俱澀不行擁結為癰疽也不言熱之所作其後成癰又陽氣湊集寒化為熱熱盛則肉腐為膿也由人體有熱被寒冷搏之而脉凝結不行熱氣擁結成癰疽方有灸法亦有溫治法以其中冷未成熟之時其用冷藥帖薄之治熱已成以消熱令不成膿也赤色腫有尖頭者藜蘆膏傳之一云醋和蚌蛤灰塗乾則易之

余平生數病癰疽得效者皆即記之考其病源多是藥氣所作或有上世服石遂令子孫多有此疾食中尤不宜食麩及酒蒜又慎溫牀厚被能慎之者可得終身無它此皆躬自

驗之故特論之也

五香連翹湯凡一切惡核瘰癧癰疽惡腫患皆主之方

青木香

沉香

薰陸香

丁香

麝香

射干

升麻

獨活

寄生

連翹

通草

各二

大黃

三

右十二味以水九升煮取四升內竹瀝二升更煮取

三升分三服取快利

肘後方有紫葛甘草無通草治惡肉惡脈惡核風結腫氣痛要籍喻義有

黃耆甘草芒消各六分千金翼云未差中問常服佳與小兒篇方相重小有異處

治癰疽發背黃耆竹葉湯方

黃耆

甘草

麥門冬

黃芩

芍藥

當歸

人參

石膏

芎藭

半夏

生薑

生地黄

大棗

淡竹葉

握

三十枚

各二

五

八

右十四味咬咀以水一斗二升先煮竹葉取一斗去滓內藥煮取三升分四服相去如人行三十里間食日三夜一入味黃耆散傳之方

黃耆 芎藭 大黃 黃連

芍藥 莽草 黃芩 梔子人各等分

右治下篩雞子白和如泥塗故帛上隨腫大小傳之乾則易之若已開口封瘡上須開頭令歇氣

王不留行散治癰腫不能潰困苦無聊賴方

王不留行子三合千金翼作一升 龍骨二兩 野葛皮半分

當歸二兩 乾薑 桂心兩二

栝樓根六分

右七味治下篩食訖溫酒服方寸匕日三以四肢習習為度不知稍加之令人安穩不覺膿自潰即著瘡痂平復

神良此浩仲堪方隋濟閣黎所名為神散癰腫即消極

安穩

千金翼云治癰疽及諸雜腫已潰皆服之

內補散治癰疽發背婦人乳癰諸瘡未潰者便消不消者令速潰疾愈方

木占斯

人參

乾薑

一云乾地黃

桂心

細辛

厚朴

敗將酉

防風

桔梗

栝樓根

甘草

略一

右十一味治下節酒服方寸匕藥入咽覺流入瘡中若癰疽炎之不能發壞者可服之瘡未壞者去敗將酉已發膿者內敗將服藥日七八服夜二三服以多為善若病在下當膿血出此為腸癰也諸病在裏惟服此藥即覺其力痛者即不痛長服治諸瘡及疽痔瘡已潰便早愈醫人不知用此藥發背無有治者惟服此耳若始覺背上有不好



而渴者即勤服之若藥力行覺渴止便消散若雖已壞但  
日夜服之勿住也服之腫自消散不覺去時欲長服者當  
去敗醬婦人乳癰宜速服之一方無桂心一名木占斯散  
主癰腫堅結若已壞者速愈未壞者使不成癰便消張

仲無桂心劉涓子云此是華佗方

治大瘡熱退膿血不止瘡中肉虛疼痛排膿內塞散方

防風

茯苓

白芷

桔梗

遠志

甘草

人參

芎藭

當歸

黃耆各一兩

桂心分

附子枚

厚朴兩二

赤小豆五合酒浸熬之

右十四味治下篩酒服方寸匕日三夜一

治癰疽發背猪蹄湯方

猪蹄

一具治如食法

黃耆

黃連

芍藥各三

黃芩二兩

蕃薇根

狼牙根略八

右七味咬咀以水三斗煮猪蹄令熟澄清取二斗下諸藥煮取一斗去滓洗瘡一食頃以帛拭乾帖生肉膏日二如

痛加當歸甘草各二兩

治癰疽發十指或起膀胱及發背後生惡肉者方

猪蹄

一貝治如食法

當歸

大黃

芎藭弱

芍藥

黃芩

獨活

莽草略一

右八味咬咀以水三斗煮猪蹄取八升去之內諸藥煮取

四升去滓以漬瘡兩食頃洗之拭令乾傳麝香膏

治癰疽及發背諸惡瘡去惡肉麝香膏方

麝香

雄黃

礬石

藜蘆各一兩一作真朱

右四味治下節以猪膏調如泥塗之惡肉盡止却傳生肉膏

食惡肉膏方

大黃

芎藭

莽草

真朱

雌黃

附子生用各一兩

白斂

礬石

黃芩

藺茹各二兩

雄黃研

右十一味咬咀以猪脂一升半煎六沸去滓內藺茹石末

攪調傳瘡中惡肉盡乃止

治癰腫惡肉不盡者方

蒟藿灰

蒟藿一作蒟

石灰

研後作白炭灰

右二味各淋取汁合煎如膏膏成食惡肉亦去黑子此藥

過十日後不中用

又方

生地黄汁煎如膠作餅子帖之日四五度

食惡肉散方

流黃

馬齒礬

漆頭藺茹

丹砂

麝香

雄黃

雌黃

白礬石各二分

右八味治下篩以粉之吮食惡肉

千金翼薄帖篇無白礬石黃有藜蘆云亦膏和

博之又處瘡中破不消以此散兌頭內蝕之

又方

藺茹

礬石

雄黃

流黃各二分

右四味治下篩內瘡中惡肉盡即止不得過好肉也

治癰疽發背壞後生肉膏方

生地黄斤

辛夷兩二

獨活

當歸

大黃

黃耆

芎藭

白芷

芍藥

黃芩

續斷各一兩

薤白兩五

右十二味以臘月猪脂四升煎取白芷黃下之去滓

傅之立差

生肉膏治癰疽發背潰後令生肉方

甘草

當歸

白芷

菴蓉

蜀椒

細辛各一兩

烏喙生用

蛇銜一兩

薤白一十

乾地黄三兩

右十味咬咀以醋半升漬一宿猪膏二斤煎令沸三上三

下膏成塗之立差

蛇銜生肉膏主癰疽金瘡敗壞方

蛇銜

當歸各六

乾地黄三兩

黃連

黃耆

黃芩

大黃

續斷

蜀椒

芍藥

白及

芎藭

莽草

白芷

附子

甘草

細辛各一

薤白一把

右十八味咬咀酢漬再宿臘月猪脂七升煎三上三下酢

盡下之去滓傳之日三夜一

崔氏有大戟獨活各一兩无地黃黃連黃耆續斷白及芎

藟白芷  
甘草

五香湯主熱毒氣卒腫痛結作核或似癰癤而非使人頭痛  
寒熱氣急者數日不除殺人方

青木香

藿香

沈香

丁香

薰陸香略

右五味咬咀以水五升煮取二升分三服不差更服之并以

滓薄腫上

千金翼以麝香代藿香

漏蘆湯方

漏蘆

白及

黃芩

麻黃

白薇

枳實

升麻

芍藥

甘草略

大黃兩

右十味咬咀以水一斗煮取三升分三服使下之無藥處

單用大黃下之良

肘後云治癰疽丹軫毒腫惡肉千金翼

熱毒變作赤色癰

疽丹軫毒腫及眼赤痛生瘡醫若熱盛

者可加芒消二兩經心錄

死白薇有知母犀角芒消各二

兩此方與小兒篇方

相重分兩服法異

丹參膏方

丹參

葫藿

莽草

蜀椒

躑躅

各二兩

秦艽

獨活

白及

牛膝

菊花

烏頭

防已

各一兩

右十二味咬咀以醋二升浸一宿夏半日如急要便煎之

猪脂四升煎令醋氣歇慢火煎之去滓用傅患上日五六

度

肘後用防風不用防已治惡肉惡核瘰癧風結諸腫云此膏亦可服

治氣痛小竹瀝湯方

淡竹瀝升射干

杏仁

獨活

枳實

白朮

防已

防風

秦艽

芍藥

甘草

茵芋

茯苓

黃芩

麻黃

各二兩

右十五味咬咀以水九升煮取半下瀝煮取三升分四服

白薇散方

白薇 防風 射干 白木各六分 當歸

防已 青木香 天門冬 烏頭 枳實

獨活 山茱萸 萎蕤各四分 麻黃分五 柴胡

白芷各三分 莽草 蜀椒各一分 秦艽分五

右十九味治下篩以漿水服方寸匕日三加至二匕

治氣腫痛蒺藜散方

蒺藜子一升熬令黃為末以麻油和之如泥炒令焦黑

以傅故熟布上如腫大小勿開孔帖之無蒺藜用小

豆末和雞子如前乾易之甚妙

治赤色腫有尖頭者藜蘆膏方

藜蘆分二 黃連 礬石 雄黃 松脂

黃芩各八分

右六味末之猪脂二升二合煎令烊調和以傅上癩癬頭



瘡極效又治淺瘡經年抓搔成癢孔者

瞿麥散治癰排膿止痛利小便方

瞿麥一兩

芍藥

桂心

赤小豆

酒浸

芎藭

黃耆

當歸

白斂

麥門冬各二兩

右九味治下篩先食酒下方寸匕日三

千金翼用細辛薏苡人白芷不用桂

心麥門冬白斂治諸癰潰及未潰瘡中疼痛膿血不絕不可忍者

薏苡人散治癰腫令自潰長肉方

薏苡人

桂心

白斂

當歸

茯苓

乾薑略二兩

右六味治下篩先食温酒服方寸匕日三夜再

癰疽潰後膿太多虛熱黃耆茯苓湯方

黃耆

麥門冬略三

芎藭

茯苓

桂心各二兩

生薑四兩

五味子

四合大棗二十枚

右八味以水一斗半煮取四升分六服千金翼有遠志當歸人參

各二兩甘草六兩

內消散治凡是癰疽皆宜服此方

赤小豆一升浸一升熬醋

人參

甘草

瞿麥

當歸

猪苓

黃芩各二兩

白斂

黃耆

薏苡人各三兩

防風一兩

升麻四兩

右十二味治下篩以酒服方寸匕日三夜一長服取差

治癰疽膿血內漏諸漏壞敗男發背女乳房及五痔猬皮散方

猬皮具一

蜂房具一

地榆

附子

桂心

當歸

續斷各五分

乾薑

蜀椒

藁本各四分

厚朴六分

右十一味治下篩空腹以酒服方寸匕日三取差加斑猫

七枚益良

凡患腫皆因宿熱所致須服冷藥差後有患冷利不止者方

赤石脂

人參

龍骨

甘草

乾薑

各二兩

附子一枚

右六味㕮咀以水八升煮取二升半分三服每服八合

梔子湯主表裏俱熱三焦不實身體生瘡及發癰癤大小便

不利方

梔子人一枚

芒消二兩

黃芩

甘草

知母各三兩

大黃四兩

右六味㕮咀以水五升煮減半下大黃取一升八合去滓

內芒消分三服

五利湯主年四十已還強壯常大患熱發癰疽無定處大小

便不通方

大黃兩三

梔子兩五

升麻

黃芩兩各二

芒消兩一

右五味咬咀以水五升煮取二升四合去滓下芒消分四

服快利即止劉涓子名大黃湯

苦方 乾地黃丸壯熱人長將服之終身不患癰疽令人肥悅耐勞

乾地黃兩五

芍藥

甘草

桂心

黃耆

黃芩

遠志略二 石斛

當歸

大黃兩各三

人參

巴戟天

栝樓根兩各一

茯苓

天門冬兩各四

右十五味末之蜜丸酒服如梧子大十九日三加至二十九

乾地黃丸主虛熱消瘡癰方

乾地黃兩四

大黃分六

芍藥

茯苓

王不留行

甘草

遠志

麥門冬

人參

升麻

黃芩

各三兩

桂心

六兩

右十二味末之蜜和酒服如梧子十九日三加至二十九長

服令人肥健一方有枳實三兩

外臺無甘草遠志麥門冬人參升麻黃芩

乾地黄丸主虛勞客熱數發癰腫瘡癤經年不除方

乾地黄

四兩

天門冬

五兩

黃耆

黃芩

大黃

黃連

澤瀉

細辛

各三兩

甘草

桂心

芍藥

茯苓

乾漆

各二兩

人參

一兩

右十四味末之蜜丸酒服如梧子大十九日三夜一加至

二十九久服延年終身不發癰疽凡方中用大黃薄切五

升米下蒸熟暴乾用之熱多倍大黃

要籍喻義無澤瀉

地黃煎補虛除熱散乳石去癰瘡痔疾悉宜服之方

生地黄隨多少三搗三壓取汁令盡銅器中湯上煮  
勿蓋令泄氣得減半出之布絞去麤碎結濁滓穢更  
煎之令如飴酒服如彈丸許日三勿加之百日癰疽  
永不發

枸杞煎主虛勞輕身益氣令人有力一切癰疽永不發方  
枸杞三十斤剉葉生至未落可用莖葉落至未生  
可用根以水一石煮取五斗去滓定將滓更入釜與  
水依前煮取五斗并前爲一斛澄之去淀釜中煎之  
取二斗許更入小銅鍋子煎令連連如飴去或器盛重  
湯煮更好每日早朝服一合半日再初服一合漸漸  
加之

主風濕躄痛不能飲食兼癰疽後補虛羸方

蓋薇根

枸杞根各一斤

生地黄

食蜜各十斤

右四味咬咀以水煮二根令味濃取二斛去淀內地黃煮  
令爛絞去滓微火煎令如粥內蜜耗令相得每食後服如  
彈丸許

搨腫方

大黃

黃芩

白斂

芒消

各三

右四味咀以水六升煮取三升汁故帛四重內汁中以搨腫  
上乾即易之無度數晝夜為之

治癰疽始作腫赤焮熱長甚速方

青木香

犀角

大黃

升麻

黃芩

梔子

黃連

甘草

芒消

射干

黃蘗

紫檀香

羚羊角

白斂

各二

地黃汁

五

麝香

研二分

右十六味咬咀以水五升煮取二升小冷故帛兩重內湯

中搗腫上乾易之日夜數百度

治頸項及膏背有大腫赤發即封令不成膿方

生乾地黄半

香豉半

朴消兩五

右三味合搗令地黄爛熟傅腫上厚二分日三四易至差止此兼治一切腫

治癰腫痛煩悶方

生楸葉十重帖之以帛包令緩急得所日二易止痛兼消腫蝕膿甚良勝於眾物如冬月先收乾者用時監潤之亦可薄削楸皮用之

治癰始覺腫令消方

大黃

通草

葶藶

莽草

各等分

右四味為末以水和傅上乾則易之

又方



以葇蓉末三指撮水和服之日三神良

### 治癰方

芫花為末膠和如粥傅之

治癰疽發腹背陰匿處通身有數十癰者方

取乾牛糞燒灰下篩以雞子白塗之乾復易

若已結膿使聚長者方

栝樓根末之苦酒和傅上燥復易赤小豆亦佳

治大人小兒癰腫方

生豬腦傅紙上帖之乾則易日三四度

又方 芥子末湯和傅紙上帖之

千金翼以豬膽和塗之

又方 白薑石末蒜和擣傅上差

又方 馬鞭草擣傅上即頭出

大人小兒癰腫灸兩足大姆指竒中立差仍隨病左右

治癰子方

凡癰無頭者吞葵子一枚不得多服

又方 燒葛蔓灰封上自消牛糞灰封之亦佳

又方 鼠粘根葉帖之

又方 水和雀屎傅之

又方

生椒末 釜下土

右二味等分醋和塗之金翼有麩

又方

狗頭骨 芸臺子

右二味等分末之醋和傅上

治癰有膿令潰方

雞羽三七枚燒末服之即潰

又方 人乳和麪傅上比曉膿血出並盡不用近手

又方 箔經繩燒末臘月猪脂和傅下畔即潰不須針灸

治癰腫發背初作及經十日已上腫赤焮熱毒氣盛日夜疼

痛百藥不效方

煨雞子一枚

新出狗屎

如雞子大

右二味攪調和微火熬令稀稠得所捻作餅子可腫頭堅處帖之以紙帖上以帛抹之時時看之覺餅子熱即易勿令轉動及歇氣經一宿定如多日患者三日帖之一日一易差止此方穢惡不可施之貴勝然其愈疾一切諸方皆不可及自外諸方還復備負設儀注而已覺者當曉斯方亦備諸急爾

烏麻膏主諸漏惡瘡二十三般丁腫五色遊腫癰癤毒熱狐刺蛇毒狂犬蟲狼六畜所傷不可識者二十年漏金瘡中風

皆以此膏帖之惡膿盡即差止痛生肌一帖不換藥惟一日一度拭去膏上膿再帖之以至差乃止方

生烏麻油斤

黃丹兩四

蠟四分皆大兩大外

右三味以臘日前一日從午內油銅器中微火煎之至明且看油減一分下黃丹消盡下蠟令沫消藥成至午時下之惟男子合之小兒女人六畜不得見之

治諸腫紫葛帖方

紫葛分

大黃分五

白斂

玄參

黃芩

黃連

升麻

榆白皮

由跋

各三分

赤小豆合

青木香分

右十一味治下節以生地黄汁和如泥傳腫上乾易之無

地黃汁與米醋和之

又帖膏方

松脂斤

大黃兩

猪脂斤

細辛

防風

黃芩

芎藭

白斂

當歸

白芷

芍藥

莽草

黃蘗

黃連酪半

白蠟兩

右十五味咬咀先煎脂蠟令烊乃內諸藥三上三下絞以綿及布以著水中為餅取少許火炙之油紙上傳之貼瘡

上千金翼有黃耆一兩

青龍五生膏治癰疽痔漏惡瘡膿血出皆以導之方

生梧桐白皮

生龍膽

生桑白皮

生青竹筍

生柏白皮酪五

蜂房

猬皮

蛇蛻皮酪一

雄黃

雌黃酪二

蜀椒

附子

芎藭各五分

右十三味咬咀以三年苦酒二斗浸藥一宿於炭火上炙乾擣下細篩以猪脂二升半於微火上煎攪令相得如飴著新未中水白瓷器中盛稍稍隨病深淺傳之并以清酒服如棗核日一

治癰疽痔漏惡瘡婦人妬乳漆瘡方

野葛

芍藥

薤白

當歸

通草各二

附子分一

右六味咬咀醋浸半日先煎猪脂八合令煙出內亂髮二分令消盡下之待冷又內松脂八分蠟二分更著火上令和即內諸藥煎令沸三上三下去滓故帛傳藥帖腫上乾即易之如春去附子其髮須洗去垢不尔令人瘡痛

治癰腫松脂膏方

黃芩

當歸

黃耆

黃連

芍藥

大黃

蠟

芎藭

各一兩

右八味咬咀合松脂一斤半猪脂二合半微火煎之三上  
三下綿布絞去滓火炙傅紙上隨腫大小帖之日三易之  
即差

治諸色癰腫惡瘡差後有癥滅癥膏方

樊石

安息香

一作女萎

狼毒

烏頭

羊躑躅

附子

野葛

白芷

烏賊骨

赤石脂

皂莢

乾地黄

天雄

芍藥

芎藭

大黃

當歸

莽草

石膏

地榆

白朮

續斷

鬼臼

蜀椒

巴豆

細辛

各一兩

右二十六味擣末以成煎猪脂四斤和藥以此為準煎之

三上三下以好鹽一大匙下之膏成須服者與服之須摩者與摩之摩之忌近眼服之忌妊娠人若滅癩者以布揩令傷傳之臯中息肉取如大豆內臯中如瘀血酒服如棗核大痔漏以綿裹如梅子內下部若中風摩患上取差崩中亦內若滅癩取少許和鷹屎白傳之取臘日合之神效千金翼有礬石一兩

治膿潰後瘡不合方  
燒鼠皮一枚作末傳瘡孔中

又方 熟嚼大豆以傳之

又方 炒烏麻令黑熟擣以傳之

又方 以牛屎傳之乾即易之

又方 燒破蒲蓆灰臘月猪脂和內孔中

治癰久不差方

馬齒菜擣汁煎以傳之



治癰癤潰後膿不斷及諸物刺傷瘡不差方

石流黃粉

分二

筋一片 硃頭碎

右二味少濕筋內流黃中以刺瘡孔瘡差為度

治癰肉中如眼諸藥所不效者方

取附子削令如碁子安腫上以唾帖之乃灸之令附子欲焦復唾濕之乃重灸之如是三度令附子熱氣徹內即差此法極妙

治諸瘡著白痂復發方

大蒜

鼠矢

書墨

右三味等分為末傳之日三

禁腫法

凡春初雷始發聲時急以兩手指雷聲聲止乃止後七日勿洗手於後有一切腫及蠍螫惡注腫瘡摩之

尋手差

書腫方

太乙

甲一不生

未

乙一不成  
壬癸死

右以丹書閉氣書腫上立差

治惡毒腫或著陰外或著一邊疼痛攣急引入小腹不可忍  
一宿殺人方

取茴香草擣取汁飲一升日三四服滓薄腫上冬中  
根亦可用此是外國神方從永嘉年未用之起死人

神驗

治風勞毒腫疼痛攣急或牽引小腹及腰髀痛方

桃人一升研如常法以酒三升攪和頓服之厚衣蓋令

汗不過三劑

若從脚腫向上至腹者即殺人治之方

赤小豆一斗以水三斗煮令爛出豆以汁浸脚至膝  
每日一度差止若已入腹不須浸但煮豆食之忌鹽  
菜米麩等渴飲汁差乃止

麻子小豆湯治毒腫無定處或赤色惡寒或心腹刺痛煩悶  
者此是毒氣深重方

麻子

赤小豆各五

生商陸升

升麻兩四

附子

兩二

射干

兩三

右六味以水四斗先煮四味取二斗半去滓研麻子  
碎和汁煮一沸濾去滓取汁煮豆爛取汁每一服五合日  
二夜一當利小便為度腫退即差并食豆  
治一切毒腫疼痛不可忍者方

取蟬麻子擣傅之即差

治癰有堅如石核者復大色不變或作石癰練石散方

麤理黃石斤

鹿角

燒八兩

白斂

兩

右三味以醋五升先燒石令赤內醋中不限數醋半止搃  
擣末以餘醋和如泥厚傅之乾則易取消止盡更合諸漏  
及瘰癧其藥悉皆用之仍火針針頭破傅藥又單磨鹿角  
半夏末和傅之不如前方佳也

治石癰堅如石不作膿者方

生商陸根擣傅之乾即易之取軟為度又治濕漏諸

### 癰癧

又方

蜀桑根白皮陰乾擣末烱膠以酒和藥傅腫即拔出根

又方

醋和莨菪子末傅頭上即拔出根矣

又方

蛇蛻皮帖之經宿便差

又方

櫟子一枚以醋於青石上磨之以塗腫上乾更塗不

過十度即愈

又方

梁上塵

葵根莖灰

分等

右二味醋和傅之即差

凡發腫至堅有根者名曰石癰治之法當上灸之百壯石子當碎出如不出益壯乃佳

發背第三

論一首  
方一首

論曰凡發背皆因服食五石寒食更生散所致亦有單服鍾乳而發者又有生平不服而自發背者此是上代有服之者其候率多於背兩胛間起初如粟米大或痛或癢仍作赤色人皆初不以為事日漸長大不過十日遂至於死其臨困之時以闊三寸高一寸瘡有數十孔以手按之諸孔中皆膿出尋時失音所以養生者小覺背上癢痛有異即火急取淨土

水和為泥捻作餅子厚二分闊一寸半以麤艾大作炷灸泥  
上帖著瘡上灸之一炷一易餅子若粟米大時可灸七餅子  
即差如榆莢大灸七七餅炷即差如錢大可日夜灸之不限  
炷數仍服五香連翹湯及鐵漿諸藥攻之乃愈又法諸發背  
未作大膿可以冷水射之浸石令冷熨之日夜莫住差乃止  
此病忌麪酒五辛等亦有當兩肩上發者

凡服石人比日須勞役四體無令自安如其不爾者多有發動  
亦不得逐便恣意取煖稱已適情必須遺欲以取寒凍雖  
當時不寧於後在身多有所益終無發動之慮耳

凡腫起背胛中頭白如黍粟四邊相連腫赤黑令人悶亂即  
名發背也禁房室酒肉蒜麪若不灸治即入內殺人若灸  
當瘡上七八百壯有人不識多作雜腫治者皆死

治發背及癰腫已潰未潰方

香豉三升少與水和熟擣成強泥可腫作餅子厚三分已上有孔勿覆孔上布豉餅以艾列其上灸之使溫溫而熱勿令破肉如熱痛即急易之患當減快得安穩一日二度灸之如先有瘡孔孔中得汁出即差治發背背上初欲結腫即服此方

大黃

升麻

黃芩

甘草

各三兩

梔子一枚

右五味咬咀以水九升煮取三升分三服取快利便止不

通更進

治癰疽發背已潰未潰及諸毒腫方

栝樓根

榆白皮

胡鷲鳥窠

鼠糞土

右四味等分末之以女人月經衣水洗取汁和如泥封腫上乾易潰者四面封之亦覺即封從一日至五日令差

內補散治癰疽發背已潰排膿生肉方

當歸

桂心略二

人參

芎藭

厚朴

防風

甘草

白芷

桔梗略一

右九味治下篩酒服方寸匕日三夜二未差更服勿絕外

無防風甘草白芷

內補散治癰瘡發背方

蜀椒

乾薑略二

白斂兩

黃芩

人參各二

桂心分一

甘草兩

小豆半合

附子

防風略一

芎藭兩二

右十一味治下篩酒服方寸匕日三夜二

治癰疽發背及小小瘰癧李根皮散方

李根皮升一

通草

白斂

桔梗



厚朴

黃芩

附子略一

甘草

當歸略二

葛根略三

半夏略五

桂心

芍藥略四

芎藭略六

枯樓根略五

右十五味治下節酒服方寸匕日三瘡大困者夜再服之

曾有人患骨從瘡中出兼有二十餘癰癤服此散得差

治發背癰腫經年差後復發此因大風或結氣在內經脉閉

塞至夏月已來出攻於背久不治積聚作膿血為瘡內漏大

內塞排膿散方

山茱萸

五味子

茯苓

乾薑略一

當歸

石韋

芎藭略四

附子略二

菴蓉

巴戟天

遠志

麥門冬

乾地黄略八

桂心

芍藥略三

地膽

菟絲子略三

石斛

人參

甘草略五

右二十味治下篩酒服方寸匕日三夜一稍加之長服終身不患癰癤

治發背方

亂髮灰酒服方寸匕亦治瘰疽

又方 飲鐵漿二升取利

又方 三年醋滓微火煎令稠和牛脂傳上日一易

又方 猪狗牙燒灰醋和傳上日三四易之

又方

猪脂傳上日四五亦治發乳救急方云取猪羊脂切

之五六片差若初帖少許即寒寒定好眠甚妙

又方 蛇頭灰醋和傳之日三易

又方 燒鹿角灰醋和傳之日四五

又方 燒古蚌加雞子白和傳之日三易

丹毒第四論一首十八首

論曰丹毒一名天火肉中忽有赤如丹塗之色大者如手掌甚者徧身有癢有腫无其定色有血丹者肉中腫起癢而復痛微虛腫如吹狀隱軫起也有雞冠丹者赤色而起大者如連錢小者如麻豆粒狀肉上粟粟如雞冠肌理也一名茱萸丹有水丹者由徧躰熱起遇水濕搏之結丹晃晃黃赤色如有水在皮中喜著股及陰處此雖小疾不治令人至死治之皆用升麻膏也

升麻膏方

升麻

白薇

射後作

漏蘆

連翹

芒消

黃芩

酪二

蛇銜

枳實

酪三

梔子

四十枚

蒴藿

兩

右十味微搗之水三升浸半日以猪膏五升煎令水氣尽

去滓膏成傳諸丹皆用之日三及熱瘡腫上經心錄無枳實以治諸毒腫

治丹毒升麻搗湯方

升麻

漏蘆

芒消酪二

梔子枚十

黃芩兩三

胡蘆兩五

右六味咬咀以水一斗浸良久煮取七升冷以故帛染汁

搗諸丹毒上常令濕搗後須服飲子并漏蘆湯方並在前

癰腫條中但服之立差

小品用治丹軫赤毒腫

治丹毒單用藥方

水苔

生蛇銜

生地黄

生菘菜

胡蘆葉

慎火草

五葉藤

豆葉

浮萍

大黃

梔子

黃芩

芒消

右十三味但以一味單搗塗之立差大黃已下水和用

又方

凡天下極冷無過藻菜最冷但有患熱毒腫并丹等取渠中藻菜細切熟搗傅丹上厚三分乾易之治諸丹神驗方

以芸臺菜熟搗厚封之隨手即消如餘熱氣未愈但三日內封之陵醒醒好差止縱乾亦封之勿歇以絕本余以正觀七年三月八日於內江縣飲多至夜睡中覺四躰骨肉疼痛比至曉頭痛目眩額左角上如彈丸大腫痛不得手近至午時至於右角至夜諸處皆到其眼遂閉合不得開幾至殞斃縣令周公以種種藥治不差經七日余自處此方其驗如神故疏之以傳來世云耳

五色油丹俗名油腫若犯者多致死不可輕之方

縛母猪枕頭卧之甚良

又方 牛屎塗之乾易

赤流腫丹毒方

取榆根白皮作末雞子白和傅之和金翼又用雞子

又方 擣大麻子水和傅之

又方

以羊脂煎了摩之得青羊脂最良集驗方云治人面

起如疥狀不治日  
劇遍身即殺人

治小兒丹毒方

擣馬齒莧一握取汁飲之以滓薄之

又方 擣赤小豆五合水和取汁飲之一合良滓塗五心

又方 濃煮大豆汁塗之良差亦無癩痕

又方 臘月猪脂和釜下土傅之乾則易

治小兒五色丹方

擣蒟蒻葉傳之

又方 猪槽下爛泥傳之乾則易

集驗治卒赤黥丹

又方 服黃龍湯二合并傳患上

治小兒白丹方

燒猪屎灰雞子白和傳之良

治小兒赤丹方

芸臺葉汁服三合滓傳上良

千金翼云未芸臺以雞子白和塗之

治小兒赤丹斑駁方

唾和胡粉從外向內傳之

又方

銅鐵屎以猪脂和傳之

又方

屋塵和臘月猪脂傳之

治小兒火丹赤如朱走皮中方

以醋和豉研傅之

又方 鯉魚血傅之良

又方 擣荏子傅之良

又方 猪尿水和絞取汁服少許良

治小兒天火丹肉中有赤如丹色大者如手甚者徧身或痛或癢或腫方

赤小豆二升末之雞子白和如薄泥傅之乾則易便  
差一切丹並用此方皆差

又方 生麻油塗之

治小兒骨火丹其瘡見骨方

擣大小蒜厚封之著足踝者是

治小兒殃火丹毒著兩脇及腋下者方

伏龍肝末和油傅之乾則易若入腹及陰以慎火草



取汁服之

治小兒尿竈丹初從兩股起及臍間走入陰頭皆赤色者方  
水二升桑皮切二升煮取汁浴之良

又方 燒李根為灰以田中流水和傅之良

治小兒朱田火丹病一日一夜即成瘡先從背起漸至徧身  
如棗大正赤色者方

濃煮棘根汁洗之以成瘡者赤小豆末傅之未成瘡  
者雞子白和小豆末傅之凡方中用雞子者皆取先  
破者用之完者無力

治小兒天竈火丹病從髀間起小兒未滿百日犯行路竈君  
若熱流下令陰頭赤腫血出方

伏龍肝搗末雞子白和傅之日三良

又方

鯽魚肉合五

赤小豆末合五

右二味和搗少水和傅之良

治小兒野火丹病徧身皆赤者方

用油塗之

治小兒茱萸丹病初從背起徧身如細纈一宿成瘡者方

赤小豆作末以粉之如未成瘡者雞子白和傅之

治小兒廢竈火丹初從足趺起正赤色者方

以棗根煮汁沐浴五六度

隱軫第五

論一首 灸法一首

方二十九首

論曰素問云風邪客於肌中則肌虛真氣發散又被寒搏皮膚外發湊理開毫毛淫氣妄行之則為癢也所以有風軫搔癢皆由於此又有赤軫者忽起如蚊蚋啄煩癢劇者重沓龍起搔之逐手起又有白軫者亦如此赤軫熱時即

發冷即止白軫天陰冷即發白軫宜煮礬石汁拭之或煮蒟  
藿和少酒以浴之良姚氏治赤軫或煮石南汁拭之良或水煮雞  
屎汁或煮枳實汁拭之良餘一切如治丹方法俗呼為風  
屎亦名風尸

石南湯治六十四種風淫液走人皮中如蟲行腰脊強直五  
緩六急手足拘攣隱軫搔之作瘡風尸身癢卒面目腫起手  
不得上頭口噤不得言方出第八卷中此方但是隱軫宜服  
之差

治風瘙隱軫心迷悶亂方

天雄

牛膝

桂心

知母

各四分

防風

分六

乾薑

細辛

各三分

人參

分二

括樓根

白朮

各五分

右十味治下篩酒服半錢匕加至一匕為度

治搔癢皮中風虛方

枳實三升

獨活

茯苓

黃耆

秦艽

各四兩

丹參

胡荽

各五兩

松葉

物一

右八味咬咀以酒二斗浸六宿每服二合日二稍稍加之

治風瘙隱軫方

大豆三升酒六升煮四五沸每服一盞日三

又方 牛膝為末酒下方寸匕日三并治骨疽癩病及瘡癰

又方 芥子末漿水服方寸匕日三

又方 白朮末酒服方寸匕日三

又方

白朮

三兩

戎鹽

礬石

各半兩

黃連

黃芩

細辛

芎藭

茵芋

各一兩

右八味咬咀以水一斗煮取三升洗之良日五

又方

馬藺子

葫藿

芫蔚子

礬石

蒺藜子

茵芋

羊桃

篇竹酪二

右八味咬咀以漿水二斗煮取一斗二升內礬石洗之日三

又方

葫藿

防風

羊桃

石南

茵芋

芫花

蒺藜

礬石

右八味各一兩咬咀以漿水一斗煮取五升去滓內礬石

令小沸温浴之

治隱軫癢痛方

大黃

升麻

黃蘗

當歸

防風

芍藥

黃芩

青木香

甘草酪二

楓香兩五

芒消兩一

地黄汁升一

右十二味咬咀以水一斗煮取三升半去滓下芒消令消  
帛染搨病上一炊久日四五度

治舉體痛癢如蟲齧癢而搔之皮便脫落作瘡方

蒺藜子升三

蛇牀子

芫蔚子升二

防風兩五

大戟斤一

大黃兩二

礬石兩三

右七味咬咀酒四升水七升煮取四升去滓內礬石帛染  
拭之

治風瘙腫瘡癢在頭面大黃搨洗方

大黃

芒消各四

莽草二分一作甘草三兩

黃連分六

黃芩分八

蒺藜子合五

右六味咬咀以水七升煮取三升去滓下消以帛染搨之

日一度勿近目

治風瘙隱軫方

蛇牀子

升二

防風

兩二

生荻藜

斤二

右三味㕮咀以水一斗煮取五升拭病上日三五遍

治身體赤隱軫而癢搔之隨手腫起方

莽草

分二

當歸

芎藭

大戟

細辛

芍藥

芫花

蜀椒

附子

躑躅

各四

猪膏

半二升

右十一味㕮咀以酒漬藥一宿猪膏煎之候附子色黃膏

成去滓以傅病上日三

青羊脂膏主風熱赤軫搔之逐手作瘡方

青羊脂

兩四

甘草

芍藥

酪三

白芷

寒水石

防風

黃芩

白及

黃耆

升麻

各四

石膏

升一

竹葉

物一

右十二味㕮咀先以水八升煮石膏竹葉取四升去滓浸

諸藥以不中水猪脂二升合煎膏成傳病上良

治風搔隱軫方

石灰淋取汁洗之良

又方

白芷根葉煮汁洗之

又方

酪和鹽熟煮摩之手下即消良妙

治隱軫百療不差者方

景天一斤一名慎火草細擣取汁傳上熱灸手摩之

再三度差

又方

芒消八兩水一斗煮取四升適寒溫綿拭

又方

黃連切

芒消酪五

右二味以水六升煮取半去滓洗之日四五

治風搔隱軫心迷悶亂方



巴豆二兩以水七升煮取三升故帛染汁拭之大人  
小兒加減之

又方 礬石二兩末酒三升漬令消帛染拭病上

又方 吳茱萸一升酒五升煮取一升半帛染拭病上

治暴氣在表攻皮上隱軫作瘡方

煮槐枝葉洗之

治小兒患隱軫入腹體腫強而舌乾方

蕪菁子末酒服方寸匕日三

又方 車前子作末粉之良

又方 蚕沙二升水二升煮去滓洗之良

又方 鹽湯洗了以蓼子按傳之

舉體痛癢如蟲齧齒癢而搔之皮便脫落作瘡灸曲池二穴隨  
年壯發即灸之神良

癰疽第六論十五條

論曰癰疽者肉中忽生點子如豆粒小者如黍粟劇者如梅李或赤或黑或青或白其狀不定有根不浮腫痛傷之應心根深至肌經久便四面悉腫炮黯熟紫黑色能爛壞筋骨若毒散逐脉入藏殺人南人名爲搨著皇母厚肉處即割去之亦燒鐵烙之令焦如炭或灸百壯或飲葵根汁或飲藍青汁若犀角汁及升麻汁竹瀝黃龍湯等諸單方治專去其熱取差其病喜著十指故與代指相似人不識之呼作代指不急治之亦逐脉上入藏殺人南方人得之皆斬去其指初指頭先作黯疱後始腫赤黑黯癢痛入心是也

代指者先腫癢熱痛色不黯緣爪甲邊結膿劇者爪皆脫落此謂之代指病也但得一物冷藥汁搨漬之佳若熱盛服漏蘆湯及搨漬之傳升麻膏亦可針去血不妨洗漬塗膏也

復有惡肉病者身上忽有肉如赤豆粒突出便長推出如牛馬乳上如雞冠狀不治自長出不止亦不痛癢此由春冬時受惡風入肌脉中變成此疾治之宜服漏蘆湯外燒鐵烙之日日爲之令焦盡即以升麻膏傅之積日乃差

又有赤脉病身上忽有赤脉絡起隴脊如死蚯蚓之狀看之如有水在脉中長短皆逐脉所處此由春冬受惡風入絡脉中其血肉瘡所作也宜五香連翹湯及竹瀝等治之刺去其血仍傅丹參膏亦用白雞屎塗之良

惡核病者肉中忽有核累累如梅李核小者如豆粒皮肉瘰癧因瘡而生是緩無毒惡核病卒然而起有毒若不治入腹煩悶殺人皆由冬月受溫風至春夏有暴寒相搏氣結成此毒也但服五香湯主之又以小豆末傅之亦煮湯漬

時時洗之消後以丹參膏傳之令餘核摠消盡凡惡核初似  
被射工毒無常定處多惻惻然痛或時不痛人不痛者便  
不憂不憂則救遲遲治即殺人是以宜早防之尤忌牛肉  
雞猪魚馬驢等肉其疾初如粟米或似麻子在肉裏而堅似  
炮長甚速初得多惡寒須臾即短氣取吳茱萸五合作  
末水一升和之絞取汁頓服之以滓傳上須臾服此汁令毒  
散止即不入腹也入腹則致禍矣切慎之

凡癩病喜發四肢其狀赤脉起如編繩急痛壯熱其發於脚  
喜從臙起至踝亦如編繩故云癩病也發於腎喜著腋下  
皆由久勞熱氣盛爲濕涼所折氣結筋中成此病也若不即  
治其久潰膿亦令人筋攣縮也若不消潰其熱氣不散多作  
躄病漏蘆湯主之瀉後鋒針數針去惡血氣針瀉其根核  
上傅小豆末取消爲度又用治丹法治之亦用治癰三味

甘草散傳之若潰傳膏散如癰法

惡核癰病癩疽等多起嶺表中土少有南方人所食雜類  
繁多感病亦復不一仕人往彼深須預防之防之無法必遭  
其毒惟須五香湯小豆散吳茱萸皆是其要藥

凡附骨疽者以其無破

故臺

附骨成膿故名附骨疽喜著大

節解中丈夫產婦喜著胫中小兒亦著脊背大人急著者先  
覺痛不得動搖按之應骨痛經日便覺皮肉漸急洪腫如  
肥狀是也小兒纔手近便大啼呼即是肢節有痛候也大人  
緩者先覺肌烘烘然經日便覺痛痺不隨小兒四肢不能動  
搖亦如不隨狀看肢節解中若有肌烘烘處不知是附骨疽  
令遍身成腫不至潰躄皆有青黯大人亦有不別呼為賊風  
風腫不知是疽也凡人身躄患熱當風取涼風入骨解中風  
熱相搏便成附骨疽其候嗜日眠沉重忽忽耳鳴又秋夏露卧

爲冷所折風熱伏結而作此疾急者熱多風少緩者風多熱少小兒未知取風冷何故而有此疾由其血盛肌嫩爲風折之即使凝結故也凡初得附骨疽即須急服漏蘆湯下之傳小豆散得消可服五香連翹湯方在癰疽條中

凡賊風其人體卒無熱中暴風冷即骨解深痛不廢轉動按之應骨痛也又即結痛或結癰瘰其附骨疽又即腫而結膿以此爲異耳若治附骨作賊風則增益病深膿多若治賊風作附骨即加風冷遂成癰瘰偏枯攣曲之疾也療之爲效都在其始耳此非天下至精其孰能與於此若候附骨與賊風爲異者附骨之始未腫但痛而已其賊風但痛不熱附骨則其上壯熱四躰乍寒乍熱小便赤大便澀而無汗若得下却熱并開發湊理便得消也縱不消盡亦得浮淺近外凡賊風但夜痛骨不可按抑不得回轉痛處不壯熱亦不乍

寒乍熱多覺身體索索然冷欲得熱熨痛處即小寬時復有汗出此爲賊風證也宜針灸熨燂諸服以風藥即俞方在風條中

又有風熱毒相搏爲腫其狀先腫上生瘰漿如火灼處名曰風熱毒治之一如丹法

又有洪燭瘡身上忽生瘰漿如沸湯灑劇者徧頭面亦有胷脅腰腹腫緩通體如火湯灼瘰起者是也治之法急服漏蘆湯下之外以升麻膏傅之其間傅升麻膏若無效一依傅丹方凡熱瘡起便生白膿黃爛瘡起即淺但出黃汁名肥瘡

浸淫瘡者淺搔之蔓延長不止搔癢者初如疥搔之轉生汁相連著是也

癩瘡者初作亦如肥瘡喜著手足常相對生隨月生死痛癢坼裂春夏秋冬隨差劇者是也

有久癰餘瘡敗為深疽者在臙脛間喜生瘡中水惡露寒凍  
不差經年成骨疽亦名胘瘡深爛青黑四邊堅強中央膿血  
汁出百藥不差汁潰好肉處皆虛腫亦有碎骨出者可溫赤  
龍皮湯漬方見下卷夏月日日洗冬天四日一洗青肉多可  
傅白藺茹散食却惡肉可三日傅之止後長傅家猪屎散得  
差止取猪屎燒作灰末如粉致瘡中令滿白汁出吮去隨更  
傅之差止若更青肉復著白藺茹散如前法家猪散取平復  
凡骨疽百療不差者可瘡上以次灸之三日三夜便差如瘡  
不差差而復發骨從孔中出者名為骨疽取先死烏雌雞一  
隻去肉取骨熬焦如炭取三家牛楛木刮取屑三家甑簡各  
一兩皆燒成炭合導瘡中碎骨當出數片差

治癰疽秘方世所不傳神良無比方

射干

甘草

枳實

乾地黄



升麻

黃芩略二

大黃分十

麝香分二

犀角分六

前胡分三

右十味咬咀以水九升煮取三升下大黃一沸去滓內麝

香分三服差止不限劑數外臺無黃芩云翼深師加黃

治癰疽諸疽十指頭焮赤痛而癢方

白芷

大黃

芍藥

黃芩

黃連

甘草

細辛

葶藶

當歸

藜蘆

莽草略一

右十一味咬咀以水二斗煮猪蹄一具取一斗煮藥取五

升浸瘡即差衛金翼名湯

治癰疽浸淫多汁日漸大方

胡粉

甘草

藜蘆各二

黃連兩二

右四味治下篩以粉瘡上日三四

凡癩疽著手足肩背累累如米起色白刮之汁出差後復發方

黃耆分六

款冬花分二

升麻分四

附子

苦參

赤小豆各一

右六味治下篩酒服方寸匕加之日三豔汪無

又方 虎屎白者以馬屎和之暴乾燒為灰粉之良

又方

胡粉兩一

青木香

滑石

龍骨各三

米粉升一

右五味為末稍以粉病上日三

又方

竈屋塵

竈突墨

釜下土各一

右三味合研令勻以水一斗煮三沸取汁洗瘡日三四度

治癩疽著手足肩背忽發累累如赤豆剥之汁出者方

蕪菁子熬擣帛裏展轉傳上良

又方 以麻子熬作末摩上良

又方 酒和麩傳之

又方

鯽魚長者

亂髮雞子

猪脂升

右三味煎為膏傳之

又方

剥去瘡痂温醋泔清洗之以胡塢鳥窠和百日男兒屎

如膏傳之

又方

亂髮衣服方寸七日三亦治發背

又方

煮芸薹菜取汁一升服之并食乾熟芸薹數頓少與  
鹽醬冬月研其子水和服之

又方 以猪膽傳之良

又方 枸杞根葵根葉煮汁煎如糖服之隨意

又方 臘月糖晝夜浸之數日乃愈

治疽潰後方

以鹽湯洗拭了燒皂莢灰粉上良

又方 梁上塵和車軋中脂傳之

又方 以牛耳中垢傳之良

又方 以生麻油滓綿裹布瘡上蟲出

又方 以沸湯灌瘡中三四遍湯作錫

凡疽似癰而小有異今日去膿了明日還滿膿如小豆汁者方

芸臺孰擣濕布袋盛之埋熱灰中更互熨之即使得

安不過再三即差冬用乾者

又方 皂莢煎湯洗瘡拭乾以蘂皮末傳勿令作痂

凡疽卒著五指筋急不得屈伸者灸踝骨中央數十壯或至百壯

治浸淫瘡苦瓠散方

苦瓠

蛇蛻皮

蜂房

各半兩

梁上塵

合

大豆

半合

右五味治下篩以粉為粥和傅紙上帖之日三無大錄豆

又方

以煎餅承熱搗之亦治細癬

瘡表裏相當名浸淫瘡方

猪牙車骨年久者椎破燒令脂出熱塗之

又方

取苦棟皮若枝燒作灰傅乾者猪膏和塗并治小兒

秃瘡及諸惡瘡

治癩瘡方

醋一升温令沸以生薤一把内中封瘡上差爲度

又方 擣桃葉和鯉魚鮓糝封之亦可以鮓薄之

又方 炒臘月糖薄之

又方 燒故履系末傳之

又方 燒松根取脂塗之

治燥癩方

醋和灰塗之

又方 熱牛屎塗之

治濕癩方

燒乾蝦蟆猪脂和傳之

治癩疥百療不差方

棟實升 地榆根

桃皮

苦參各五兩

右四味咬咀以水一斗煮取五升稍温洗之日一

治久癩疥濕瘡浸淫日廣癢不可堪搔之黃汁出差後復發方  
羊蹄根淨去土細切熟熬以醋和熟擣淨洗瘡傳上  
一時間以冷水洗之日一又陰乾作末癢時搔汁出以  
粉之又以生葱根搯之千金翼無葱字  
一切癩瘡灸足大指竒間二七壯灸大指頭亦佳治脚脰及  
曲脰中癢搔之黃汁出是風疽方

以青竹筒一枚徑一寸半長三尺當中著大豆一升  
以糠馬屎二物燒為火當竹筒中燒之以器承兩頭  
取汁先以泔清和鹽熱洗瘡了即塗豆汁不過三度  
極効

又方 嚼胡麻傳以綿裹之日一易之神良

治石疽狀如瘰癧而皮厚方

擣穀子傳之亦治金瘡

治久癰瘡敗壞成骨疽方

末龍骨粉瘡四面厚二分以膏著瘡中日二易之

蟲出如髮盡愈膏方如左

大蝦蟆

壹枚自死者

亂髮

壹塊雞子大

猪脂壹

右三味内脂中煎之二物略消盡下待冷更内盐一合攪

和之充前用

治瘡久不差差而復發骨從孔中出名為骨疽方

以猪膽和楸葉擣封之

又方 擣白楊葉末傳之

又方 蕪菁子擣傳之帛裹一日一易

又方

穿地作坑口小裏大深二尺取乾雞屎二升以艾及

荆葉擣碎和雞屎令可然火坑中燒之令煙出内疽



於坑中熏之以衣擁坑口勿洩氣半日當有蟲出甚效

治久疽方

鯽魚破腹勿損內白鹽於腹中以針縫之於銅器中火上煎之令乾作末傳疽瘡中無膿者以猪脂和傳之小疼痛無恠也十日差

治附骨疽方

槲皮燒末飲服方寸匕

又方

新剥鼠皮如錢孔大帖腫上即膿出已潰者取猪脊上脂帖之則膿出

附骨疽灸間使後一寸隨年壯立差

治諸瘡因風致腫方

燒白芋灰溫湯和之厚三分傳瘡上乾即易不過五度差

又方

櫟根皮三十斤剉水三斛煮令熱下鹽一把令的的然熱以浸瘡當出膿血日日為之差止

治惡露瘡方

擣薤菜傳瘡口以大艾炷灸藥上令熱入內即差

治反花瘡并治積年諸瘡方

取牛蒡根熟擣和臘月猪脂封上差止并治久不差諸腫惡瘡漏瘡等皆差

又方 取馬齒菜擣封差止

又方 取蜘蛛膜帖瘡上數易之差止

治惡瘡方

礬石

蠟

松脂

亂髮

各二

猪膏

兩

右五味煎髮消內礬石次內松脂次內蠟去滓先刮洗瘡以塗之日再三不痛久瘡時愈新瘡遲愈蝸蚘癢瘡頭禿皆即愈生髮勝飛黃膏

又方 燒篇竹灰和楮白汁塗之

又方 羊矢麻根燒煙斷膏和封有汁者乾傳之

又方 麩一升作餅大小覆瘡灸上令熱汁出盡差

治惡瘡似火爛洗湯方

白馬屎暴乾以河水和煮十沸絞取汁洗之

治惡瘡名曰馬疥其大如錢方

以水漬自死蛇一頭令爛去骨以汁塗之手下差

治身瘡及頭瘡不止方

昌蒲末傳上日三夜二

治瘡久不差方

蕪荑

藜蘆各一兩

薑黃

青礬

雄黃各一 苦參

沙參各三

附子一枚

右八味治下篩先以藍汁洗瘡去痂乾拭傅之小兒一炊  
久剥去之大人半日剥之再傅不過三四度愈

治惡瘡十年不差似癩者方

蛇蛻皮一枚燒之末下篩猪脂和傅之醋和亦得

又方

苦瓠一枚咬咀煮取汁洗瘡日三又煎以塗癬甚良  
皆先以泔淨洗乃塗三日差

又方 鹽湯洗擣地黃葉帖之

又方 燒猥猪矢傅之

又方 燒葇菘子末傅之

又方 燒鯽魚灰和醬清傳之

治諸瘡久不差并治六玄田方

棗膏三升水三斗煮取一斗半數洗取愈

烏膏主惡瘡方

雄黃

雌黃

芎藭

升麻

烏頭

及已

竹灰

黃連

黃蘗

水銀銍二

杏仁枚三十

胡粉分一

巴豆枚二十

松脂

亂髮各一

蠟兩三

右十六味咬咀以猪膏三升急煎令髮消去滓停小冷

以真朱二錢匕投攪令相得以傳之凡用膏先淨瘡拭

乾乃傳之傳訖以赤石脂黃連散粉之

千金翼無竹灰水銀蠟

烏膏治種種諸瘡不愈者方

水銀兩一

黃連兩二

經墨分三

右三味治下疳以不中水猪膏和之傳上不過再三愈神  
良若欲多作任人惟不治金瘡水銀大須熟研

治代指方

甘草二兩咬咀水五升煮取一分半漬之若無用芒  
消代之

又方

以唾和白硃砂搜麩作卷子盛唾着硃砂如棗許以  
爪指着中一日差

又方

以毛雜黃土作泥泥指上令厚五分內糖灰中煨之  
令熱可忍泥乾易不過數度差

又方

刺指熱飯中二七遍

又方

以麻沸湯漬之即愈

又方 單煮地榆作湯漬之半日

又方 先刺去膿血炙魚鮓皮令温以纏裹周匝痛止便愈

又方 以蜀椒四合水一升煮三沸以漬之

又方 取萎蕤黃葱葉煮沸漬之

治指痛欲脫方

猪脂和垢罾令消熱內指中食久住翼和 乾薑

治手足指掣痛不可忍方

醬清和蜜温塗之

又灸指端七壯立差

治手足指逆臚方

此緣廁上搔頭還坐廁上以指到將二七下即差

又方

青珠分一

乾薑分二

右二味搗以粉瘡上日三

治凍指疥欲墮方

馬屎三升以水煮令沸漬半日愈

治手足皴裂逆臚代指方

酒搗猪脰洗之慎冷

治手足皴劈破裂血出疼方

猪脂著熱酒洗之

治冬月冒少凍交回手足皴裂家及台台自次家方

治手足皴痛方

煮茄子根洗之

又方

芎藭分三

蜀

芷

防風

鹽煎



右伍味咬咀以水四升煎濃塗之猪脂煎更良  
治人脚無冬夏常拆裂名曰尸脚方

雞矢一升水二升煮數沸停小冷漬半日差止亦用  
馬矢

又方

烱膠膠乾帛帖上

割甲侵肉不差方

硃砂礬石末裹之以差為候

又方 擣鬼針草苗汁鼠黏草根和臘月猪脂傳之

備急千金要方卷第二十二

謝安子金童... 謝安子金童... 謝安子金童...

天衣... 謝安子金童... 謝安子金童...

隋甲... 謝安子金童... 謝安子金童...

又古... 謝安子金童... 謝安子金童...

謝安子金童... 謝安子金童... 謝安子金童...

謝安子金童... 謝安子金童... 謝安子金童...

古... 謝安子金童... 謝安子金童...

備急千金要方卷第二十三 疔漏

朝奉郎守太常少卿充秘閣校理判登聞檢院上護軍賜緋魚袋臣林億等校正

九漏第一 瘰癧

腸癰第二 妬乳 乳

五疔第三

疥癬第四 瘰癧 赤疔 白殿 疥目附

惡疾第五

九漏第一 論一首 灸法十六首 方八十三首

論曰夫九漏之為病皆寒熱瘰癧在於頸腋者何氣使生此皆鼠瘻寒熱之毒氣也堤留於脉而不去者也鼠瘻之本皆根在於藏其末上出於頸腋之下其浮於脉中而未著於肌肉而外為膿血者易去去之柰何曰請從其末引其本可使衰去而絕其寒熱審按其道以予之徐往來以去之其小如

麥者一刺知三刺已決其死生奈何曰反其目視其中有赤  
脉從上下貫童子見一脉一歲死見一脉半一歲半死見二  
脉二歲死見二脉半二歲半死見三脉三歲死赤脉不下貫  
瞳子可治

凡項邊腋下先作瘰癧者欲作漏也宜禁五辛酒麪及諸熱  
食凡漏有似石癰累累然作癰子有核在兩頸及腋下不痛  
不熱治者皆練石散傳其外內服五香連翹湯下之已潰者  
治如癰法諸漏結核未破者火針針使著核結中無不差者  
何謂九漏一曰狼漏二曰鼠漏三曰螻蛄漏四曰蜂漏五曰  
蚘蟬漏六曰蟻螬漏七曰浮沮漏八曰瘰癧漏九曰轉脉漏  
治狼漏始發於頸腫無頭有根起於缺盆之上連延耳根腫  
大此得之憂恚氣上不得下其根在肝一作肺空青主之商陸  
爲之佐散方

空青

蝟腦各二分

蝟肝一具之干

芎藭半分

獨活

乳婦蓐草

黃芩

鼈甲

斑猫

乾薑

商陸

地膽

當歸

茴香

礬石各一分

蜀椒三十粒

右十六味治下篩以酒服方寸匕日三十五日服之

治鼠漏始發於頸無頭尾如鼯鼠使人寒熱脫肉此得之食於鼠毒不去其根在胃狸骨主之知母為之佐散方

狸骨

鮫鯉甲

知母

山龜殼

甘草

桂心

雄黃

乾薑各等分

右八味治下篩以飲服方寸匕日三仍以蜜和內瘡中無

不差先灸作瘡後以藥傅之已作瘡不用灸

治蝮蝮漏始發於頸項狀如腫此得之食瓜果實毒不去其根在大腸荏子主之桔梗為之佐丸方

桂子

龍骨各半兩

附子兩

蜀椒百粒

桂心

乾薑

桔梗

礬石

獨活

芎藭各分

右十味末之以棗二十枚合搗醋漿和丸如大豆温漿下

五丸至十九

治蜂漏始發於頸癰癧三四處俱相連以潰此得之飲流水  
水有蜂毒不去其根在脾雄黃主之黃芩為之佐散方

雄黃

黃芩略一兩

蜂房具一

鼈甲

茴香

吳茱萸

乾薑各半兩

蜀椒二百粒

右八味治下篩傳瘡口上日一十日止

治蚘蟬漏始發於頸初得如傷寒此得之因食中有蚘蟬毒  
不去其根在腎礬石主之防風為之佐散方

礬石

防風

桃白皮

知母

雌黃

乾地黃

獨活

青黛

斑猫

白芷

松脂一作柏脂

芍藥

海藻

當歸各一分

白朮

蝟皮各四分

蜀椒百粒

右十七味治下篩飲服一錢匕日三服

治瘰癧漏始發於頸下無頭尾如棗核塊累移在皮中使人寒熱心滿此得之因喜怒哭泣其根在心礬石主之白朮為之佐散方

礬石

白朮

空青

當歸各二分

細辛兩

蝟皮

斑猫

枸杞

地膽各一分

乾烏腦豆三許

右十味治下篩服方寸匕日三以酢漿服之病在上側輪

卧在下高枕卧使藥流下

治浮沮漏始發於頸如兩指使人寒熱欲卧此得之因思慮憂滿其根在膽地膽主之甘草為之佐散方

地膽 雄黃 乾薑 石決明 續斷

菴藺根 龍膽各三分 細辛二分 大黃半分 甘草一分

右十味治下節傳瘡日四五度古今錄驗無雄黃有硫黃

治漂癰漏始發於頸有根初苦痛令人寒熱此得之因新沐濕結髮汗流於頸所致其根在腎雌黃主之芍藥為之佐丸方

雌黃 茯苓 芍藥 續斷 乾地黃

空青 礬石 乾薑 桔梗 蜀椒

恒山 虎腎 狸肉 烏腦 斑猫各一分

礬石一分 附子兩

右十七味末之蜜丸以酒服十九如大豆日二

治轉脉漏始發於頸濯濯脉轉苦驚惕身振寒熱此得之因

驚卧失枕其根在小腸集驗作心斑猫主之白芷為之佐丸方

斑猫 白芷 綠青 大黃各二分 人參



當歸 桂心各三兩 麥門冬 白朮各一兩

升麻 鍾乳 甘草 防風

地膽 續斷 麝香 礬石各一

右十七味末之蜜丸酒服十九丸如大豆日三服勿食菜慎

房室百日外臺無大黃桂心 麥門冬白朮鍾乳

治九漏方

空青 商陸 知母 狸骨

桔梗 防風 荏苒子 礬石

黃芩 白芷 芍藥 甘草

雌黃 白朮 礬石 地膽

斑猫 雄黃各等分

右十八味末之蜜丸以酢服如大豆三九三十日知四十

日愈六十日平復一百日慎房室一方為散醋服二刀 圭日三老小半之

又方

蝟皮枚半

蜀椒

附子

當歸

蜂房

地榆

桂心

通草

乾漆

薏苡人

牡丹

蒺藜子

漏蘆

一作龍膽龍骨

土瓜各二

斑猫分四

苦參

蛇牀子

大黃

雄黃

藺茹

細辛

蛇蛻皮各二

鶴骨分六

鮫鯉甲

擣雞各四

蜥蜴

蜈蚣各一

右二十八味治下篩酒服五分匕以知為度日二服

又方

斑猫枚十

蝟皮

真朱

雄黃各一

右四味治下篩酒服半錢匕日三

又方

末成鍊松脂填瘡孔令滿日三四度七日差大有神驗

又方

斑猫二七枚

雄黃

桂心

犀角各一兩

右四味治下篩酒服一錢匕病從小便出日再

又方

馬齒莧

乾陰

臘月燭燼

各等分

右二味為末臘月猪脂和先以暖泔清洗瘡拭乾傳之日三

又方

乾牛屎

乾人屎

右二味擣先幕綿瘡上綿上著屎蟲聞屎香出若癢即舉綿去之更別取屎綿著如前候蟲出盡乃止

又方

苦瓠四枚大如盞者各穿一孔如指大置湯中煮十數沸取一竹筒長一尺內一頭瓠孔中一頭注瘡孔

上冷則易之徧止

治一切漏方

斑猫四十枚

豉四十枚

元青二十枚

地膽十枚

蜈蚣半寸

犀角棗核

牛黃棗核

生大豆黃十枚

右八味末之蜜丸飲服如梧子二丸須臾多作酸漿粥冷

飲之病從小便出尿盆中看之如有蟲形狀又似膠汁此

病出也隔一日一服飲粥如常小弱者隔三四日候無蟲

出瘡漸差特忌油膩一切器物皆須灰洗乃作食崔氏云

初服藥少夜食明旦服二九至七日甚虛悶可煮食蔓菁菜羹自餘脂膩醋口味果子之類並不得食人強隔日一服

人弱兩三日一服差後仍作二

又方

煮鹽花以麪擁病上內鹽花麪匡中厚二寸其下以

桑葉三重藉鹽候冷熱得所可忍冷則無益熱則破

肉一日一度候瘰癧根株勢消則止若已作瘡者搗  
糝穀為末粉之

又方

槲北陰白皮三十斤剉之以水一石煮取一斗去滓  
煎如糖又取都廙上雌雄鼠屎各十四枚燒令汁盡  
末內煎中溫酒一升投煎中合攪之羸人五合服  
之當有蟲出

治漏作瘡孔方

末露蜂房臘月猪脂和傅孔上

治漏發心骨以下者方

武都雄黃

松脂各三兩

右二味和為塊刀子刮為散飲服一方寸匕日二不差更合

治漏方

鍛落鐵屑

狗頰車連齒骨炙

虎糞

鹿皮燒毛

右四味等分治下篩以猪膏和內瘡中須更易之日五六度

治諸漏方

霜下瓠花暴乾末傅之

又方 擣土瓜根薄之燥則易不限時節

又方 死蛇去皮肉取骨末之合和封瘡上大痛以杏人膏

摩之止

又方 死蛇和臘月猪脂合燒作灰末之內孔中

又方 燒死蜚蝗末醋和塗又死蛇灰醋和傅

又方 故布裏鹽如彈丸燒令赤末酒服

又方 服白馬屎汁一升

又方 正月雄狐屎陰乾杵末水和服

又方 鹽麩和燒灰傅之

又方 水研杏人服之

又方 猪脂一升酒五合煎沸頓服之

治一切冷瘰方

燒人吐出蛔蟲為灰先以甘草湯洗瘡後著灰無不差者慎口味

治鼠漏瘡差復發及不愈出膿血不止方

以不中水猪脂咬咀生地黃肉脂中令脂與地黃足相淹和煎六七沸桑灰汁洗瘡去惡汁以地黃膏傅瘡上日一易

治鼠漏方

得蛇虺所吞鼠燒末服方寸匕日再不過三服此大驗自難遇耳并傳瘡中

又方

死鼠一枚中形者

亂髮如雞子大一枚

右二味以臘月猪脂取令淹鼠髮煎之令鼠髮消盡膏成分作二分一分稍稍塗瘡壹分稍稍以酒服之則差矣鼠子當從瘡中出良秘方

治鼠瘦腫核痛未成膿方

以柏葉傳著腫上熬鹽著葉上熨之令熱氣下即消

治風漏及鼠漏方

赤小豆 白欬 黃耆 牡蠣各等分

右四味治下篩酒服方寸匕日三

治螻蛄瘻方

榭葉灰先以泔清煮榭葉取汁洗拭乾內灰瘡中

治蜂瘻初生時狀如桃而癢搔之則引大如雞子如覆手者方



熬鹽熨之三宿四日不差至百日成癭其狀大如四五寸石廣三寸中生蜂作孔乃有數百以石硫黃隨多少燃燭燒令汁出著瘡孔中須臾間見蜂數十惟蜂盡差

治蜂癭方

鷓頭灰傅之

又方

人屎蚘蛻灰臘月猪膏和傅之

又方

蜂巢灰臘月猪膏和傅孔中

治蟻漏孔容針亦有三四孔者

蝟皮肝心灰末酒服一錢匕

又方

死蛇腹中鼠臘月猪脂煎使焦去滓傅之

又方

取大鯊鮓燒耕垡土令赤以苦酒浸垡土時合壁土  
故熱以鯊鮓着壁上展轉令熱以傅瘡上

又方 鮫鯉甲二十七枚燒末猪膏和傅瘡上

又方 半夏一枚擣末以鴨脂和傅瘡上

瘰癧癭橫闊作頭狀若杏人形亦作瘰癧方

用雄雞屎灰臘月猪脂和封之

治蛻螂瘻方

牛屎灰和臘月猪脂傅之

又方 蛻螂丸末傅即蛻螂所食屎也

又方 乾牛屎末傅瘻即撥却更厚封差乃止

又方 熱牛屎塗之數數易應有蛻螂出

治蚯蚓瘻方

蚯蚓屎 雞屎

右二味末之用社猪下頷髓和傳之

治蠍瘻五六孔皆相通者方

擣茅根汁著孔中

治蝦蟇瘻方

五月五日蛇頭及野猪脂同水衣封之佳

治蛇瘻方

蛇蛻皮灰臘月猪脂和封之

治蛙瘻方

蛇腹中蛙灰封之

治顛當瘻方

擣土瓜根傳至差慎口味

治雀瘻方

取母猪屎灰和臘月猪膏傳虫出如雀形

治膿瘻方

桃花末和猪脂封之佳

治石瘻兩頭出者其狀堅實令人寒熱方

以大鉞針破之鼠粘葉二分末和雞子白一枚封之

又方 擣槐子和井花水封之

灸漏方

葶藶子合二 豉升一

右二味和擣令極熟作餅如大錢厚二分許取一枚當瘡

孔上作大艾炷如小指大灸餅上三炷一易三餅九炷隔

三日復一灸之外臺治瘰癧古今錄驗云不可灸頭瘡葶藶氣入腦殺人

又方

擣生商陸根捻作餅子如錢大厚三分安漏上以艾

灸上餅干易之灸三四升艾差外臺灸瘰癧

又方

七月七日未出時取麻花五月五日取艾等分合

擣作炷用灸瘡上百壯外臺灸瘡

寒熱骨滿頸痛四肢不舉腋下腫上氣骨中有音喉中鳴天

池主之

寒熱酸痛痛四肢不舉腋下腫痿馬刀喉痺髀膝脛骨搖酸

痺不仁陽輔主之

骨中滿腋下腫馬刀痿善自齧舌頰天牖中腫寒熱骨脇腰膝

外廉痛臨泣主之

寒熱頸頷腫後谿主之

寒熱頸掖下腫申脉主之

寒熱頸腫丘墟主之

寒熱頸瘰癧大迎主之

腋下腫馬刀肩腫吻傷太衝主之

九漏灸肩井二百壯

漏灸鳩尾骨下宛宛中七十壯

諸漏灸瘦周四畔差

諸惡漏中冷息肉灸足內踝上各三壯二年六壯

治鼠漏及瘰癧五白膏方

白馬 白牛 白羊 白猪 白雞等屎各一

漏蘆仁

右六味各於石上燒作灰研絹篩之以猪膏一升三合煎

亂髮一兩半令極沸消盡乃內諸末微微火上煎五六沸

藥成去瘡痂以鹽湯洗新帛拭乾然後傅膏若無痂猶須

湯洗日再若著膏當以帛裹上勿令中風冷也神驗

治寒熱瘰癧及鼠瘦曾青散方

曾青

荏子

礞石一作礞石

附子各半兩

當歸

防風

栝樓根

芎藭

黃耆

黃芩

狸骨

甘草

露蜂房各二兩

細辛

乾薑各二兩

斑猫

元青各五

右十七味治下篩以酒服一方寸匕日再服

治寒熱瘰癧散方

連翹

土瓜根

龍膽

黃連

苦參

栝樓根

芍藥

恒山各一兩

右八味治下篩酒服五分匕日三服千金翼外臺有狸骨

有當歸無栝樓山

治身體有熱氣瘰癧及常有細瘡并口中生瘡薔薇丸方

薔薇根三兩

石龍芮

黃耆

鼠李根皮

芍藥

黃芩

苦參

白斂

防風防一作已

龍膽

栝樓根酪一梔子人兩

右十二味末之蜜丸飲服如梧子大十五丸日再服麩

黃蘗一兩

治療癰方

白殭蠶治下篩水服五分匕日三服十日差

又方 狸頭一枚炙擣篩飲服方寸匕日二

又方

故鞋內羶替燒末五匕和酒一升旦向日服之強行

須臾吐鼠出三朝服外臺不同

又方 狸頭蹄骨等炙黃擣篩為散飲服一錢匕日二

又方 猫两眼陰乾燒灰并花水服方寸匕日再

又方 乾猫舌末傳瘡上

又方 狼屎灰傳之



又方 五月五日取一切種種雜草煮取汁洗之

又方 狐頭狸頭灰傅上

又方 猫腦 莽草

右二味等分爲末著孔中

灸一切瘰癧在項上及觸處但有肉結疑似作瘰癧及癰癤者方以獨頭蒜截兩頭留心大作艾炷稱蒜大小帖瘰癧子上灸之勿令上破肉但取熱而已七壯一易蒜日日灸之取消止

一切瘰癧灸兩膂裏患瘰癧宛宛中日一壯七日止神驗

又灸五里人迎各三十壯

又灸患人背兩邊腋下後文上隨年壯

又灸耳後髮際直脉七壯

腸癰第二論三首 方三十三首  
灸法二首

論曰卒得腸癰而不曉其病候愚醫治之錯則殺人腸癰之  
為病小腹重而彊抑之則痛小便數似淋時時汗出復惡寒  
其身皮皆甲錯腹皮急如腫狀其脉數者小有膿也洪源云  
膿也其脉遲緊者未有膿也甚者腹脹大轉側聞水聲或逶  
臍生瘡或膿從臍中出或大便出膿血  
問曰官羽林婦病醫脉之何以知婦人腸中有膿為下之即愈  
師曰寸口脉滑而數滑則為實數則為熱滑則為榮數則為  
衛衛數下降榮滑上升榮衛相干血為濁敗少腹否堅小便  
或澀或復汗出或復惡寒膿為已成設脉遲緊即為瘀血血  
下則愈

治腸癰大黃牡丹湯方

大黃

兩四

牡丹

兩三

桃人

枚五十

瓜子

升

芒消

兩二

右五味㕮咀以水五升煮取一升頓服之當下膿血方綱

芒消半合瓜子五合劉涓子用消石三合去腸癰之病少腹痞堅或

編在膀胱左右其色或白堅大如掌熱小便欲調時白汗出其脉遲

### 治腸癰湯方

牡丹 甘草 敗醬 生薑 茯苓各二

薏苡人 桔梗 麥門冬各三 丹參 芍藥各四

生地黃五兩

右十一味㕮咀以水一斗煮取三升分三服日三

又方 薏苡人升 牡丹皮 桃人各三 瓜瓣人升二

右四味㕮咀以水六升煮取三升分再服姚氏不用桃人用李人崔氏

毒不安或脹滿不思飲食小便澀此病多是腸癰人多不識婦人產後虛熱者多成斯病縱非癰疽疑是便服此藥無他損也

又方 雄雞頂上毛并屎燒作末空心酒服之

又方 截取擔頭尖少許燒作灰水和服當作孔出膿血愈

凡腸癰其狀兩耳輪文理甲錯初患腹中苦痛或繞臍有瘡如粟皮熱便膿血出似赤白下不治必死方

馬蹄灰雞子白和塗即拔氣不過再

又方 瓜子三升擣末以水三升煮取一升五合分三服

又方 死人塚上土作泥塗之

治內癰未作頭者方

服伏雞屎即差

又方 馬牙灰和雞子塗之乾則易

腸癰屈兩肘正灸肘頭銳骨各百壯則下膿血即差

論曰產後宜勤濟乳不宜令汁畜積畜積不去便結不復出

惡汁於內引熱溫壯結堅牽掣痛大渴引飲乳急痛手不得

近成妬乳非癰也急灸兩手魚際各二七壯斷癰狀也不復

惡手近乳汁亦自出便可手助逆捋之則乳汁大出皆如膿

狀內服連翹湯外以小豆薄塗之便差

婦人女子乳頭生小淺熱瘡癢搔之黃汁出浸淫為長百種  
治不差者動經年月名為妬乳婦人飲兒者乳皆欲斷世謂  
苟抄乳是也宜以赤龍皮湯及天麻湯洗之傳二物飛烏膏  
及飛烏散佳若始作者可傳黃芩漏蘆散及黃連胡粉散並佳  
赤龍皮湯方

槲皮切三升以水一斗煮取五升夏冷用之冬溫用  
之分以洗乳亦洗諸深敗爛久瘡洗竟傳膏散

### 天麻湯方

天麻草切五升以水一斗半煮取一斗隨寒熱分洗  
乳以殺癢也此草葉如麻冬生夏著花赤如鼠尾花  
也亦以洗浸淫黃爛熱瘡癢疽濕陰蝕小兒頭瘡洗

竟傳膏散

飛鳥膏方

傾粉是燒朱砂作水銀上 礬石礬石 小兒頭瘡

右二味為末以甲煎和如脂以傅乳瘡日三傅作散者不

須和汁自著者可用散亦傅諸熱瘡及黃爛瘡浸淫汁瘡文

夫陰蝕癢濕瘡小兒頭瘡月蝕口邊肥瘡癩瘡等並傅之

黃連胡粉散方

黃連兩 胡粉分 黃水銀兩 夏令用之冬盛用

右三味黃連為末以二物相和栗皮果熟搜之自和合也

縱不得成一家且得水銀細散入粉中也以傅乳瘡諸濕

瘡黃爛肥瘡等若乾著甲煎為膏

治妬乳生瘡方

蜂房 猪甲中土 車轍中土等

右三味末苦酒和傅之

婦人乳生瘡頭汁出疼痛欲死不可忍鹿角散方

鹿角分三

甘草分一

右二味治下篩和以雞子黃於銅器中置於溫處炙上傳之日再即愈神驗不傳

治妬乳方

取葵莖灰擣篩飲服方寸匕日三即愈集驗方直擣為散不為灰

又方 燒自死蛇灰和猪膏塗大良

妬乳以蒲橫度口以度從乳上行灸度頭二七壯

論曰產後不自飲兒并失兒無兒飲乳乳畜喜結癰不飲兒

令乳上腫者以雞子白和小豆散傳乳房令消結也若飲兒

不泄者數捻去之亦可令大孩子含水使口中冷為啣取滯

乳汁吐去之不含水嗽去熱喜令乳頭作瘡乳孔塞也

凡女人多患乳癰年四十已下治之多差年五十已上慎不

治治之多死不治自得終天年

治妬乳乳癰連翹湯方

連翹

芒消略二兩

芍藥

射干

升麻

防已

杏仁

黃芩

大黃

柴胡

甘草略三兩

右十一味㕮咀以水九升煮取二升五合分三服

治乳癰方

麥門冬升一

黃芩

芍藥

茯苓略二兩

粳糖八兩

大棗五枚

人參

黃耆

防風

桑寄生

甘草各三兩

右十一味㕮咀以水一斗煮取三升去滓內糖一沸分四服

乳癰先服前件湯五日後服此丸即愈方

天門冬五兩

澤蘭五分

大黃十分

升麻六分

羌活



防風 人參 黃耆 乾地黃 白芷

桑寄生 通草各二分 黃芩 枳實 茯神

天雄 芍藥 當歸 五味子各一兩

右十九味末之蜜丸酒服二十九日二加至四十九

治乳癰始作方廣濟方云不得近乳癰大堅硬赤

大黃 棟實 芍藥 馬蹄

右四味等分治下篩飲服方寸匕取汁出差服廣濟方云酒

取汗當睡著覺後腫處

排膿散治乳癰方

菴蓉 鐵精 桂心 細辛 黃芩

芍藥 防已一作防風 人參 乾薑 芍藥

當歸各三分 甘草五分

右十二味治下篩酒服方寸匕日三夜一服藥十日膿血

出多勿怪之其惡肉除也

又方

生地黄三

芒消三

豉升

右三味同擣薄之熱即易之取差止一切癰腫皆用之方

單用地黃薄

治妬乳乳癰腫方

取研米槌二枚炙令熱以絮及故帛搗乳上以槌更互熨之差止已用立驗

治乳癰堅方

以水罐中盛醋泔清燒石令熱內中沸止更燒如前少熱內乳漬之冷更燒石內漬不過三燒石即愈

又方

黃芩

白斂

芍藥各等分

右三味爲末以漿水飲服半錢匕日三若左乳汁結者即  
捋去右乳汁若右乳汁結者可捋去左乳汁治品云妬乳

治乳癰方

大黃 鼠屎新者各分 黃連二分

右三味搗黃連大黃末合鼠屎共治以黍米粥清和傅乳  
四邊痛止即愈無黍米粟米粳米亦得

又方 取葱白搗傅之并絞汁一升頓服即愈

治乳癰 二三百日衆療不差但堅紫色青柳根熨方

柳根削取上皮搗令熟熬令溫盛著練囊中熨乳上  
乾則易之一宿即愈

治乳癰方

大黃 莽草 生薑各二分 伏龍肝分二

右四味搗末以酢和塗乳痛即止有效

又方

鹿角下篩以猪脂上清汁服方寸匕不過再服亦可  
以醋漿水服

婦人乳腫痛除熱蒺藜丸方

蒺藜子

大黃兩一

敗醬分

桂心

人參

附子

薏苡人

黃連

黃耆

雞骨

當歸

枳實

芍藥

通草各三分

右十四味末之蜜丸末食以飲服如梧子三九不知益至  
五九日三無所忌一方無大黃敗醬黃連通草為散酒服  
方寸匕

五痔第三

論一首 灸法二首

方二十六首

論曰夫五痔者一曰牡痔二曰牝痔三曰脉痔四曰腸痔五

曰血痔牡痔者肛邊如鼠乳時時潰膿血出牝痔者肛腫痛  
生瘡脉痔者肛邊有瘡癢痛腸痔者肛邊核痛發寒熱血痔  
者大便清血隨大便污衣又五痔有氣痔寒溫勞濕即發蛇  
蛻皮主之牡痔生肉如鼠乳在孔中頗出見外妨於更衣鼈  
甲主之牡痔集驗作酒痔從孔中起外腫五六日自潰出膿血猬  
皮主之腸痔更衣挺出久乃縮母猪左足懸蹄甲主之脉痔  
更衣出清血蜂房主之五藥皆下篩等分隨其病倍其主藥  
為三分旦以井花水服半方寸七病甚者且暮服之亦可四  
五服禁寒冷食猪肉生魚菜房室惟得食乾白肉病差之後  
百日乃通房內又用藥導下部有瘡內藥瘡中無瘡內孔中  
又用野葛燒末刀圭內藥中服藥五日知二十日若三十日  
愈痔痛通忌葷菜

治五痔衆醫所不能愈者方

秦艽

白芷

厚朴

紫參

亂髮

紫苑

雷丸

葶藶

石南

麝蟲

貫衆

猪後懸蹄

蝱蟲

右十三味合搗下篩以羊髓脂煎和服如梧子空腹飲下

十五丸日二若劇者夜一服四日肛邊癢止八日膿血盡

鼠乳悉差滿六十日終身不復發久服益善忌魚猪肉等

槐子丸主燥濕痔痔有雄雌皆主之方

槐子

乾漆

吳茱萸根白皮

四

秦艽

白芷

桂心

黃芩

黃耆

白斂

牡蠣

龍骨

雷丸

丁香

木香

蒺藜

附子

酪二

右十六味末之蜜丸飲服二十九如梧子日三千金翼無

無黃耆去治苦暴有乾燥腫痛者有崩血無數者有鼠乳  
附核者有腸中煩癢者三五年皆殺人主忌飲酒及作勞

即犯之發

小槐實丸主五痔十年者方

槐子斤三

白糖斤二

礬石

流黃格一

大黃

乾漆

龍骨略十

右七味擣篩四味其三種石及糖並細切內銅器中一石

米下蒸之以綿絞取汁以和藥令作丸併手丸之大如梧

子陰乾酒服二十九日三稍增至三十九

槐子酒主五痔十年不差者方

槐東南枝一細剉石

槐東南根剉三

槐子斤二

右三味以大盆中安十六斛水煮取五斛澄取清更煎取

一石六斗炊兩斛黍米上麴二十斤釀之攪令調封泥七日酒熟取清飲適性常令小小醉合時更煮滓取汁淘米洗器不得用水須知此事忌生水故也

治痔狷皮丸方

狷皮具一

礬石

當歸

連翹

乾薑

附子

續斷

黃耆酪三

乾地黄兩五

槐子兩三

右十味末之蜜丸飲服如梧子大十五丸亦再加之四十

丸亦治漏集驗方無礬石地黄

治痔方

取槐耳赤雞一片為末飲服方寸匕日三即是槐櫛也

又方

以蒲黃水服方寸匕日三良妙外臺云治腸痔每大便常有血者



又方 取桑耳作羹空腹飽食之三日食之

猬皮丸主崩中及痔方

猬皮

人參

茯苓

白芷

槐耳

乾地黄

禹餘糧

續斷各二兩

蒲黃

黃耆

當歸

艾葉

橘皮

白斂

甘草各二兩

白馬蹄酒浸一宿

熬令黃

牛角鯁各四兩

鰻鱺魚頭二十枚猪懸蹄甲二十一枚熬

右十九味末之蜜丸酒服如梧子二十九日再稍加

治痔下血及新產漏下方

好礬石兩一

附子兩一

右二味末之白蜜丸酒服二九如梧子日三稍加不過數

日便斷百日服之終身不發崔氏方有乾薑一兩

治五痔十年不差方

塗熊膽取差止神良一切方皆不及此

又方

七月七日多採槐子熟搗取汁內銅器中重綿密蓋著宅中高門上暴之二十日已上煎成如鼠屎大內穀道中日三亦主瘦百種瘡

又方

取生槐白皮十兩熟搗丸如彈丸綿裹內下部中此病常食篇竹葉及煮羹粥大佳

又方

取三具鯉魚腸以火炙令香以綿裹之內穀道中一食久蟲當出食魚腸數數易之盡三枚差一方灸腸令香坐上蟲出經用有效

又方

虎頭

犀角

右二味各末之如雞子大和不中水猪脂大如雞子塗瘡

上取差

治五痔及脫肛方

槐白皮兩二

薰草

辛夷

甘草

白芷兩半

野葛六

巴豆枚

漆子枚

桃人枚

猪脂斤半

右十味咬咀煎三上三下去滓以綿沾膏塞孔中日四五

過蟲死差止癢痛大佳

治外痔方

真朱

雄黃

雌黃兩一

竹筴兩三

猪膏斤一

右五味末之內猪膏中和調又和亂髮切半雞子大東向

煎三上三下髮焦出鹽湯洗拭乾傅之亦治惡瘡癩瘡

治五痔方

取槐根煮洗之

又方

用桃根煮洗

又方

猬皮妨如指

熏黃榛大

熟艾燻子

右三味穿地作孔調和取便熏之口中熏黃烟氣出為佳  
火氣消盡即停停三日將息更熏之凡三度永差勿犯風

冷羹臃將補慎猪雞等

治痔下部出膿血有蟲傍生孔竅方

槐白皮一擔剉內釜中煮令味極出置大盆中適寒

温坐其中如浴狀蟲悉出冷又易之不過二三即差

治穀道癢痛繞緣腫起裏許欲生肉突出方

槐白皮三

甘草兩三

大豆

三升以水七升急火煮取四升

右三味以豆汁煮取二升浸故帛薄之冷即易之日三五度

治穀道癢痛痔瘡槐皮膏方

槐皮

棟實

各五兩外臺作塵豉

甘草

刪繁用蜂房

白芷兩一

桃人

六十枚

當歸

兩三

赤小豆合二

右七味以成煎猪膏一斤微火煎白芷黃藥成摩瘡

上日再并道寸下部

刪繁方無當歸治腎勞虛或酒醉當風所損腎藏病所為疝門腫生瘡因酒勞

傷發瀉清血肝門疼癩蜂房膏

治穀道痛方

菟絲子熬黃黑和雞子黃以傅之日二

又方 取杏人熬令黃擣作脂以傅之

治大便孔卒痛如鳥啄方

以大小豆各一斗和擣內兩袋中蒸之令熱更互坐之差

久冷五痔便血灸脊中百壯

五痔便血失屎灸回氣百壯穴在脊窮骨上

疥癬第四論二首灸法四首方六十首

論曰凡瘡疥小秦艽散中加烏蛇肉二兩主之黃耆酒中加

烏蛇脯一尺亦大效千金翼云黃耆酒中加烏蛇脯一尺烏頭

加之亦有大致小疥瘙第十六味小秦艽散亦相當黃耆酒出第七卷中

凡諸疥瘙皆用水銀猪脂研令極細塗之

治凡有瘡疥腰膝手足皆生疵疥者方

薔薇根

黃連

芍藥

雀李根皮

黃蘗各三兩

石龍芮

苦參

黃耆

黃芩各二兩

大黃

當歸

續斷各一

枯樓根兩四

右十三味末之蜜丸如梧子以薔薇飲服二十九日三加

至三十九瘡疥差乃止乾疥白癬勿服癰疽金翼云所長

治寒熱瘡及風疥

千年韭根

好礬石

雄黃

藜蘆

瓜蒂

胡粉各一

水銀各三

右七味以柳木研水銀使尽用猪脂一升煮藜蘆瓜蒂三沸去滓內諸藥和調令相得即成以傅之神良效聰

治癬瘡

藺苕如膏方

藺苕

狼牙

青箱

地榆

藜蘆

當歸

羊蹄根

篇蓄各二

蛇牀子

白斂各六分

漏蘆二分

右十一味擣以苦酒漬一宿明日以成煎猪膏四分煎之  
三上三下膏成絞去滓內後藥如左

雄黃

雌黃

硫黃

礬石

胡粉

松脂酪二

水銀兩

右七味細研看水銀散盡即傾前件膏中以十隻筋攪數  
百遍止用瓷器貯之密舉勿令泄氣煎膏法必微火急即  
不中用一切惡瘡疥癬疽漏瘍悉傳之不可近目及陰先  
研雄黃等令細候膏小冷即和攪傳之

治疥疽諸瘡方

水銀

胡粉各六黃連

黃蘗各三

黃芩各十

礬石

蛇牀子

附子

苦參各三

右九味水銀胡粉別研如泥餘為末以成煎猪膏合和研

令調以傳之

千金翼  
无薑黃



治久疥癬方

丹砂

雄黃

雌黃劉涓子無

亂髮

松脂

白蜜酪一

藺茹兩三

巴豆十四枚

猪脂半

右九味先煎髮消盡內松脂蜜三上三下去滓內諸末中

更一沸止以傅之蠶不稔翼用

又方

水銀

礬石一作礬石

蛇牀子

黃連各一兩一作雄黃

右四味為末以猪脂七合和攪不見水銀為熟傅之一方

加藜蘆一兩又云藺茹

治諸瘡疥癬久不差者方

水銀斤

臘月猪脂伍斤

右二味以鐵器中壘竈用馬通火七日七夜勿住火出之

停冷取膏去水銀不妨別用以膏傳一切瘡無不應手立

差粉干金翼又用水銀和猪脂塗之

又方

取特牛尿疔 羊蹄根疔

右二味漬一宿日暴乾復內取尿盡止作末傳諸瘡等金

翼云和猪脂用更精

又方 拔取生烏頭十枚切煮汁洗之差

論曰凡諸瘡癬初生時或始痛癢即以種種單方救之或嚼

鹽塗之又以穀汁傳之又以蒜墨和傳之蒜餘醖又以薑黃

傳之又以鯉魚鮓糝傳之又以牛李子汁傳之若以此救不

差乃以前諸大方治之

治細癬方

蛇牀子 白鹽一作白堊 羊蹄根各一 赤葛根

苦參

昌蒲各半

黃連

莽草

各三兩

右八味以水七升煮取三升適寒温以洗身如炊一石米頃為佳清澄後用當微温之滿三日止

又方

羊蹄根於磨石上以苦酒磨之以傅瘡上當先刮瘡

以火炙乾後傳四五過中干以金翼云搗羊蹄根著甕器

以蜜和者傳之如炊一石米久拭去更以三年大酢和塗之若刮瘡處不傷即不差

又方

羊蹄根五升以桑柴灰汁煮四五沸洗之凡方中用

羊蹄根皆以日未出採之佳

又方

昌蒲末五斤以酒三升漬釜中蒸之使味出先絕酒

一日一服一升若半升

又方

用乾荆子燒中央承兩頭取汁塗之先刮上令傷後

傳之

治癬方

搗刺薊汁服之

又方

服地黃汁佳

又方

燒蛇蛻一具酒服

又方

服驢尿良

又方

搗芨若根蜜和傳之

千金翼無根字

又方

熱搗煎餅不限多少日一遍薄之良亦治浸淫瘡

又方

醋煎艾塗之

又方

搗羊蹄根和乳塗之

又方

淨洗瘡取醬辦雀屎和傅之差止

千金翼云取醬辦屎和塗之

又方

水銀蕪美和酥傅之

又方

日中午擣桃葉汁傅之

治濕癬肥瘡方

用大麻詣傅之五日差

治癬久不差者方

取自死蛇燒作灰猪脂和塗即差

灸癬法

日中時灸病處影上三姓灸之呪曰癬中蟲毛戎戎

若欲治待日中

又法

八月八日日出時令病人正當東向戶長跪平舉兩

手持戶兩邊取肩頭小垂際骨解宛宛中灸之兩火  
俱下各三壯若七壯十日愈

治小兒癩方

以蛇牀實搗末和猪脂以傳之

治瘡癢方

以水銀和胡粉傳之

治身體搔癢白如癬狀方

楮子一枚

猪脰具

鹽升

礬石石兩

右四味以苦酒一升合搗令熟以拭身體日三

治癩易方

以三年醋磨烏賊骨先布摩肉赤傳之

又方

醋磨硫黃塗之最上

集驗又磨附子硫黃上使熟將

又方

取途中先死蜣螂擣爛塗之當指令熱封之一宿差

又方

白斂 薰陸香

右二味指上作末水服差

又方

硫黃 水銀 槲皮燒

蛇蛻具一

右四味各等分擣篩以清漆合和之薄塗白處欲塗時以巴豆半截拭白處皮微破然後傳之不過三兩度

又方

硫黃 水銀 礬石 竈墨

右四味各等分擣篩內坩子中以葱葉中涕和研之臨卧時傳病上

九江散主白殿風及二百六十種大風方

當歸分七

石南分六

躑躅

秦艽

菊花

乾薑

防風

雄黃

麝香

丹砂

斑猫各四兩

蜀椒

鬼箭羽

連翹

石長生

知母各八分

蜈蚣三枚

蝻蟲

地膽各十枚

附子兩四

鬼臼分十一人參

石斛

天雄

王不留行

烏頭

獨活

防已

莽草各十分

水蛭枚百

右三十味諸蟲皆去足翅熬炙令熟為散以酒服方寸匕日再其病入髮令髮白服之百日愈髮還黑

又方

天雄

白斂

黃芩各三兩

乾薑兩四



附子兩

商陸

躑躅各一

右七味治下篩酒服五分七日三

治白殿方

礬石

硫黃

右二味各等分爲末酢和傅之

又方 平旦以手掉取韭頭露塗之極效

又方

以酒服生胡麻油一合日三稍稍加至五合慎生肉

猪雞魚蒜等百日服五斗差

又方 羅摩草煮以拭之亦指令傷摘白汁塗之

又方 石灰松脂酒主之方在卷末

又方 以蛇蛻皮熬摩之數百過弃置草中

又方 樹空中水洗桂末唾和塗之日三

又方

以水銀拭之令熱即消差數數拭之差乃止

白殿風灸左右手中指節去延外宛中三壯未差報之

凡身諸處白駁漸漸長似癬但無瘡可治之方

鰻鱺魚取脂塗之先指病上使痛然後塗之

治皮中紫赤斑痣去厭穢方

乾漆

雌黃

礬石三

雄黃兩

巴豆五

炭皮斤

右六味治下篩以雞子白和塗故帛帖病上日二易

治赤斑方

用墨大蒜鯁血合塗之

治贅疔瘰方

雄黃

硫黃

真朱

礬石

巴豆

藺茹

藜蘆

略一

右七味治下篩以真漆合和如泥以塗點病上須成瘡及去面黥皮中紫不耐漆人不得用以雞子白和之

去疣目方

七月七日以大豆一合拭疣目上三遍病疣人自種豆於南屋東頭第二雷中豆生四葉以湯沃殺即差

又方

松柏脂合和塗之一宿失矣

又方

石硫黃搯六七遍

又方

以豬脂癢處搯之令少許血出即差神驗不可加

又方

每月十五日月正中時望月以禿條筭掃三七遍差

又方

苦酒漬石灰六七日滴取汁點疣上小作疣即落

又方 杏人燒令黑研膏塗上

又方 取牛口中涎數塗自落

疣目着艾炷疣日上灸之三壯即除

惡疾大風第五 論一首 方十首

論曰惡疾大風有多種不同初得雖徧體無異而眉鬚已落有徧體已壞而眉鬚儼然有諸處不異好人而四肢腹背有頑處重者手足十指已有墮落有患大寒而重衣不暖有尋常患熱不能暫涼有身體枯槁者有津汁常不止者有身體乾癢徹骨搔之白皮如麸手下作瘡者外臺作卒 不作瘡有瘡癢茶毒重疊而生晝夜苦痛不已者有直置頑鈍不知痛癢者其色亦有多種有青黃赤白黑光明枯暗此候雖種種狀自不同而難療易療皆在前人不由醫者何則此病一著無問賢

愚皆難與語何則口順心違不受醫教直希望藥力不能求  
已故難療易療屬在前人不關醫藥予嘗手療六百餘人差  
者十分有一莫不一親自撫養所以深細諳委之且共語  
看覺難共語不受入即不須與療終有觸損病既不差乃勞  
而無功也又神仙傳有數十人皆因惡疾而致仙道何者皆  
由割棄塵累懷穎陽之風所以非止差病乃因禍而取福也  
故余所覩病者其中頗有士大夫乃至有異種名人及遇斯  
患皆愛戀妻孥繫著心髓不能割捨直望藥力未肯近求諸  
身若能絕其嗜慾斷其所好非但愈疾因茲亦可自致神仙  
余嘗問諸病人皆云自作不仁之行久久並爲極猥之業於中  
仍欲更作云爲雖有悔言而無悔心但能自新受師教命食  
進藥餌何有不除余以貞觀年中將一病士入山教服松脂欲  
至百日鬚眉皆生由此觀之惟須求之於已不可一仰醫藥

者也然有人數年患身體頑痺羞見妻子不告之令知其後  
病成狀自分明乃云犯藥卒患此皆自誤然斯疾雖大療之  
於微亦可即差此疾一得遠者不過十年皆死近者五六歲  
而亡然病者自謂百年不死深可悲悼一遇斯疾即須斷鹽  
常進松脂一切公私物務釋然皆棄猶如脫屣凡百口味特  
須斷除漸漸斷穀不交俗事絕乎慶弔幽隱巖谷周年乃差  
差後終身慎房犯之還發茲疾有吉凶二義得之脩善即吉  
若還同俗類必是凶矣今略述其由致以示後之學者可覽  
而思焉

茵豆治惡疾方

細粒烏豆擇取摩之皮不落者取三月四月天雄烏  
頭苗及根淨去土勿洗擣絞取汁漬豆一宿漉出暴  
乾如此七反始堪服一服三枚漸加至六七枚日一

禁房室猪魚雞蒜畢身毛髮即生犯藥不差

岐伯神聖散治萬病癰疽癩疹癬風痿骨肉疽敗百節痛眉  
毛髮落身體淫淫躍躍痛癢目痛皆爛耳龍聾齒齲痔瘻方

天雄

附子

茵芋

外臺作  
茵草

躑躅

細辛

烏頭

石南

乾薑

各一兩

蜀椒

防風

昌蒲

各二兩

白朮

獨活

各三兩

右十三味治下篩酒服方寸匕日三勿增之

治惡疾狼毒散方

狼毒

秦艽

等分

右二味治下篩酒服方寸匕日三五十日愈

又方

煉松脂投冷水中二十徧蜜丸服二兩飢便服之日

三鼻柱斷離者二百日服之差斷鹽及雜食房室又天門  
冬酒服百日愈

石灰酒主生毛髮眉鬚去大風方

石灰一石

并水和濕  
蒸令氣足

松脂成煉十斤  
未之

上麴二升

黍米石

右四味先於大鎗內炒石灰以木札著灰中火出為度以  
枸杞根剉五斗水一石五升煮取九斗去滓以淋石灰三  
徧澄清以石灰汁和漬麴用汁多少一如釀酒法訖封四  
七日開服怕令酒氣相及為度百無所忌不得觸風其米  
泔及飯糟一事已上不得使人畜犬鼠食之皆令深埋却  
此酒九月作二月止恐熱隔上熱者服後進三五口冷飯  
壓之婦人不能食飲黃瘦積年及蓐風不過一石即差其  
松脂末初醞釀酒攤飯時均散著飯上待飯冷乃投之此



酒飯宜冷不爾即醋宜知之

治大風眉鬚落赤白癩病八風十二痺筋急肢節緩弱飛尸  
遁注水腫癰疽疥癬惡瘡脚攣手折眼闇洞洩痰飲宿滯寒

冷方

商陸根

馬耳切五分

麴

五分

右二味合於甕瓦中水一斛漬之炊黍米一石釀之如家法  
使麴米相淹三酸畢密封三七日開看麴浮酒熟澄清温  
服三升輕者二升藥發吐下為佳宜食弱煮飯牛羊鹿肉  
羔美禁生冷醋滑及猪雞魚犬等

治風身體如蟲行方

鹽一斗水一石煎減半澄清温洗浴三四遍并療一切風

又方 以淳灰汁洗面不過一日

又方

以大豆漬飯漿水旦旦溫洗面洗頭髮不淨加少麩  
勿以水濯之不過十度洗

又方

成煉雄黃松脂等分蜜和飲服十九如梧桐子大日  
三百日愈慎酒肉鹽豉等

備急千金要方卷第二十三

金澤文庫